



Održani 13. Susreti Bošnjaka Sjeverne Amerike

VELIČANSTVENI SUSRETI BOŠNJAKA U ST. LOUISU

Dijaspora bošnjačka

www.dijasporabosnjacka.com
www.bosnianmediagroup.com
bosdijaspora@aol.com

15. juni 2008. Broj 50 ♦ Godina V ♦ Bosnian American Independent Newspaper ♦ Published by: BOSNIAN MEDIA GROUP

BOSNIAN MEDIA GROUP

Intervju: Dino Merlin prvi puta sa novim albumom i na američkom tržištu

NAKON 25 GODINA MERLIN ISPOČETKA

Maaco
COLLISION REPAIR & AUTO PAINTING

AMERICA'S BODYSHOP
5136 Southwest Ave, St. Louis, MO 63110

DA VAŠE AUTO
BUDE OPET KAO NOVO
POBRINUĆE SE 24/7

MIRSO SELIMOVIĆ

314-776-5955
314-973-8075

Ekskluzivno



50 brojeva Bošnjačke dijaspore

IMAMO SRCE SAMO ZA LJUBAV

ŠKOLA ZA POLAGANJE CDL-VOZAČKE ZA KAMIONE

1-866-326-5225

1-314-600-1736



ALPHA
Transport Group, INC.

5400 GRAVOIS AVENUE ST. LOUIS, MO 63116

Truck Driving School



AKO JE KAMION VAŠA ODLUKA

JAVITE NAM SE – OSTALO JE NAŠA BRIGA

OBUKA NA NAŠEM JEZIKU - BESPLATAN SMJEŠTAJ ZA STUDENTE

MOGUĆNOST POLAGANJA TESTOVA SA PREVODIOCEM

World Travel and Tours

5629 Gravois Ave
St. Louis, MO 63116

Phone: 314-351-9355

Fax: 314-353-2966

E-mail: travelstl@yahoo.com



www.worldtravelstl.com

Mi smo jedina putnička agencija u St. Louisu koja izdaje avionske karte odmah pri uplati, jer samo mi imamo sklopljene ugovore direktno sa avionskim kompanijama.

Ako želite jeftinu, brzu i efikasnu uslugu obratite se nama, bilo da se radi o avionskim kartama ili odmorima kao što su Mexico, Hawaii, Bahamas...

PUTUJTE

SIGURNO - NA VRIJEME - BEZ BRIGE

SA MANJE PRESJEDANJA

SA AVIONIMA NAJBOLJIH AVIONSKIH KOMPANIJA

UZ GARANTOVANO NAJPOVOLJNIJE CIJENE

Bošnjačka dijaspora – 50 brojeva sa svojim čitaocima

IMAMO SRCE SAMO ZA LJUBAV

Bošnjačka dijaspora godinama raste tiho i nenametljivo i ovaj pedeseti broj tek je miljokaz pokraj kojeg se zaustavljamo da se osvrnemo i podsjetimo koliko je put bio trnovit iza nas. Otvoreni smo za sve vas. Pišite, javljajte se, pošaljite informaciju iz vaše zajednice, ukažite na dobre i kvalitetne ljude i pojave. Mi smo pokazali da toga još uvijek dovoljno ima da bismo nadu gajili i vjerovali u sebe i ljude. Pokazali smo da ima i novina koje mogu izbjeći mržnju, skandale, nacionalizme i diskreditiranje ljudi. Pomozite da to ostanemo.

Najteže i najsporije čovjek mijenja navike. Kada smo prije pedeset mjeseci odlučili da svoje skromne ambicije i velike zamisli, koje u desetljećima življenja Bošnjaka na Američkom kontinentu nisu iz tehničkih razloga bile ostvarive, materijaliziramo pokretanjem mjesečnika Bošnjačka dijaspora, ni sami nismo vjerovali da će taj list svojim trajanjem postati navika pozitivno-mislećih ljudi koji čitaju i primaju informaciju na bosanskom, ili jednom od južnoslavenskih jezika. Vjerovali smo u sebe i potrebu da ponudimo populaciji od oko 350.000 čitalaca ozbiljnu informaciju, kvalitetnu analizu neopterećenu nacionalizmom i direktnu vezu sa Domovinom. Oformili smo Redakciju koja je istovremeno djelovala u Sjedinjenim Državama i Bosni i Hercegovini, smatrajući da jedino tako možemo imati iz prve ruke vijesti koje su interesantne čitaocima u Dijaspori, i to ne samo Bošnjacima. Era Interneta omogućila nam je realizaciju tih zamisli, jer smo u svakom trenutku bili «na vezi», tako da smo djelovali kao jedinstven tim, bez obzira na hiljade kilometara udaljenosti.

Period profiliranja lista, te njegovog prihvatanja od strane čitalaca trajao je očekivano dugo. Nismo željeli generirati skandale, unositi nepotrebno žutilo koje novini daje brzi prodor i trenutnu dobit. Išli smo najtežom putanjom: ekonomsko održavanje opstojnosti glasila sa jedne strane i sporo, ali temeljito profiliranje sadržaja, sa druge strane. Na našim stranicama donosili smo autorske tekstove iz: USA, Kanade, Australije, Novog Zelanda, Njemačke, Austrije, Švicarske, Švedske, Ujedinjenih arapskih emirata, Turske, Srbije, Kosova, Crne Gore, Hrvatske, Slovenije, te brojnih drugih zemalja u kojima su Bošnjaci u Dijaspori.

Politika Bošnjačke dijasporne bazirala se na kontinuiranom markiranju pozitivnih vrijednosti i njihovom promoviranju kao općega dobra. Stoga smo kroz svih pedeset brojeva novine pratili rad Kongresa Bošnjaka Sjeverne Amerike, Svjetskog Saveza dijasporne, Islamske zajednice Sjeverne Amerike, Savjetodavnog vijeća za BiH itd, ukazujući na potrebu institucionalnog umrežavanja Bošnjaka, ali i općenito Bosanaca i Hercegovaca, za opću dobrobit Domovine. Jer Bosna i Hercegovina ne može bez Srba, Hrvata i ostalih, isto kao što ne može i bez Bošnjaka. Htjeli smo razviti ambijent utrkivanja u činjenju dobrih stvari za Domovinu. A znali smo i zašto to činimo: svih ovih pedeset mjeseci stalno su nam štampu novine pratili strahovi o opstojnosti BiH. Veoma često i iz prevelike ljubavi, jer kao što majke od prevelike brige znaju ugušiti svoje čedo, tako smo i mi previše potencirali opstojnost zemlje možda i predimenzirajući taj problem, a Bosna, sa njom i Hercegovina ostaju i opsta-

ju stoljećima, bez obzira na Dodike, Tuđmane, Miloševiće, Abdiće, Hitlera, Paveliće, Kalaje, Obrenoviće...

Jezik i kultura Bošnjaka, vjera i tradicija, vrijednosti su koje smo također permanentno promovirali kao najznačajnije faktore očuvanja integriteta nacije i države. Kao mostove sa drugim narodima. Učili smo se na ovim stranama i praštati, a ne zaboravljati zločine i genocide kojima smo kao narod od pamtiviljeka bili izlagani. Prvi smo predlagali ministarstvo za Dijasporu. Upućivali na lobiranje i formiranje lobističkih grupa. Na stišavanje i gašenje našega nacionalizma, ali shvatanje ozbiljnosti tuđih nacionalizama. Nacionalizam podrazumijeva mržnju, a mi nemamo dva srca, jedno za ljubav drugo za mržnju, kako je to nekada kazao Meša Selimović. Htjeli smo samo promovirati svoje i tuđe vrijednosti i graditi mostove među različitostima.

Mnogoput smo bili zbog naših stavova kritizirani. Na naše adrese dolazila su brojna pisma i sugestije. Većinu smo ih prihvatili, neke ne, jer smo htjeli zadržati našu osobenost. Upravo ta pisma su nam pokazala da smo postali relevantni, da nas čitaoci prihvataju i da treba tražiti njihov damar, kako bi smo odgovorili na njihove navike. Jer postali smo navika da se nakon svih lutanja u ionako siromašnom medijskom prostoru, ipak nađe prava informacija i pravi tok zbivanja. Čitaoci znaju: ako novina uvažava njihove kriterije i nivo informativne obrazovanosti, onda i oni uvažavaju novinu. Stoga smo svih ovih godina donosili informacije i analize, trudeći se da što manje mi zaključujemo i serviramo gotovu informaciju čitaocima. Smatrali smo da bi to bilo podcjenjivanje. Takav odnos permanentno je proširivao krug čitalaca i suradnika i novinu činio značajnijom i boljom. U periodu koji možda i nije dug, ali za trajanje ozbiljnih projekata u Bošnjaka možda i predug, kroz našu Redakciju prošli su brojni suradnici. Uz uspjehe imali smo i poraze: našega Fadila Bradarića, otela je njegova prerana smrt.

Idemo dalje. Životni putevi se otvaraju i zatvaraju. Ljude pamtimo po dobru. Čitaoci novine po greškama. Bošnjačka dijaspora godinama raste tiho i nenametljivo i ovaj pedeseti broj tek je miljokaz pokraj kojeg se zaustavljamo da se osvrnemo i podsjetimo koliko je put bio trnovit iza nas. Otvoreni smo za sve vas. Pišite, javljajte se, pošaljite informaciju iz vaše zajednice, ukažite na dobre i kvalitetne ljude i pojave. Mi smo pokazali da toga još uvijek dovoljno ima da bismo nadu gajili i vjerovali u sebe i ljude. Pokazali smo da ima i novina koje mogu izbjeći mržnju, skandale, nacionalizme i diskreditiranje ljudi. Pomozite da to ostanemo.

Dijaspora
bošnjačka

UREDNICI:
Murat Muratović
Mehmed Pargan

DIZAJN:
Tarik Ibrahimović

KOLUMNA:
Mirzet Hamzić

HOROSKOP:
Sabina Mirojević

FOTOGRAFIJA:
Ahmet Bajrić Blicko, Safet Devlić

NOVINARI - DOPISNICI - SARADNICI:

Bosna i Hercegovina: Elvira Jaranović,
Mehmed Pargan, Mirsad Sinanović,
Salih Brkić, Hazim Karić, Nedim
Berberović, Mehmed Đedović, Hazim
Brkić, Sabit Hrustić, Amela Isanović,
Muhamed Berbić, Mirzet Bećirović;
USA: Azra Heljo, Hajro Smajić, Bajram
Mulić, Murat Alibašić, Murat Muratović
Fadil Bradarić

Canada: Emir Ramić, Mustafa Kustrić,
Sulejman Kobajica;
Australija: Hariz Halilović;

Office in U.S.A.
DIJASPORA bošnjačka
P.O. Box 2636
St. Louis, MO 63116
1-314-494-6512

Office in Bosnia and Herzegovina
DIJASPORA bošnjačka
BMG Bosanska medijska grupa
Pozorišna 4, Ars klub Arlekin 1. sprat
75 000 Tuzla
035-277-692
www.bmg.ba

Distribution office in Canada
Jasmin Halkić
London, Canada
1-519-474-6336

www.bosnianmediagroup.com
www.dijasporabosnjacka.com
e-mail: bosdijaspora@aol.com

Redakcija zadržava pravo objavljivanja svih priloga prispjelih na adresu bez nadoknade ako to nije ranije utvrđeno ugovorom. Rukopisi i fotografije se ne vraćaju. Svako lično mišljenje nije i stav Redakcije.

DIJASPORA bošnjačka, list Bošnjaka u iseljeništvu, izlazi jednom mjesečno.

Cijena: USA i Canada \$ 1,5, BiH 1 KM,
Europe 1,5 €, Croatia 10 kn.
Pretpлата se dogovara u direktnom kontaktu sa Redakcijom.

Održani 13. Susreti Bošnjaka Sjeverne Amerike

Piše: Murat Muratović

VELIČANSTVENI SUSRETI BOŠNJAKA U ST. LOUISU



Nastupi folklornih društava

Memorial Day u Americi je samo jedan od nacionalnih praznika, ali za Bošnjake Sjeverne Amerike, već trinaestu godinu ovaj praznik znači i više od toga. U vrijeme ovog praznika, u gradu u kojem se izjasni Skupština KBSA održe se Susreti Bošnjaka Sjeverne Amerike. Iz godine u godinu, Susreti Bošnjaka su sve veća i veća manifestacija, zapravo, radi se o jednoj ogromnoj organizaciji niza manifestacija iz vjerskog, političkog, kulturnog i sportskog života Bošnjaka Sjeverne Amerike.

Ove godine, grad domaćin bio je St. Louis, u državi Missouri, grad koji je udomio oko 50 hiljada Bošnjaka nakon rata u BiH. I bilo je veličanstveno. Bošnjaci i Bošnjakinje ovog grada su osvjetlali obraz svojim gostoprimstvom, ljubaznošću i željom da svako ko je došao bude kao svoj na svome.

Susreti uvijek krenu sa džuma namazom i Mevludom u petak u večernjim satima. Obzirom da je džamija na Lansdowne dobila ove godine novi izgled sa novosagrađenom munarom, i obzirom da Mevludu osim svih imama

*U St. Louisu se od 23. do 25. maja okupilo preko deset hiljada Bošnjaka iz svih krajeva Sjeverne Amerike * Susrete obilježila prelijepa munara i njeno svečano puštanje u rad * Bošnjaci i Bošnjakinje St. Louisa odigrali odličnu ulogu domaćina i pokazali visok stepen gostoprimstva * Svečana večera održana u prelijepom hotelu Hyatt uz prisustvo mnogobrojnih zvanica kako iz BiH tako i iz USA, Canada ali i iz Australije * Skupština KBSA protekla u vrlo napetoj atmosferi * Iako nije održala redovnu Skupštinu, IABNA pripremila tribinu Fudbalski turnir "Congress Cup" osvojio Kozarac iz Chicaga*

Sjeverne Amerike, svoj dolazak najaviše i Reisu-l-ulema Rijasetu IZ BiH Dr. Mustafa Cerić i generalni sekretar Rijasetu Muhamed Salkić, nije ni bilo čudo što se u džamijske prostorije skrčalo preko 1500 duša, a još puno ih je ostalo napolju jer se unutra nije moglo ući. Mevlud je protekao u učenjima imama i mnogobrojnih vjernika kao i Hora Ilahija i kasida iz St. Louisa. Vrijedne Bošnjakinje pripremiše prije mevluda večeru za sve musafire.

U subotu su aktivnosti nastavljene na dva mjesta. Na sportskom sta-

Prčić, dok su BASVBH predstavili Vehid Deumić i Esmir Ganić. O važnosti registracije i glasanja na izborima, kratku prezentaciju prisutnima napravio je Emin Čohodarević, ispred Ambasade BiH u Washingtonu DC. Također je istaknuto da je Kongres Bošnjaka Sjeverne Amerike štampao 100 hiljada registracijskih listića za izbore, i preporučeno je svim prisutnim predstavnicima zajednica da sa sobom ponesu iste, kako bi ih mogli distribuirati u svojim zajednicama. Zbog propuštenog leta, tek sutradan (nedjelja) stigli su i predstavnici Inter-



Reis dr. Mustafa Cerić predvodio džumu namaz



Hor ilahija i kasida - Islamska zajednica St.Louis



Imam Muhamed Hasić, Reis dr. Mustafa Cerić i gradonačelnik Francis Slay



Obraćanje Abdurahmana Malkića u Orlando Garden dvorani



Congress Cup

dionu, gdje je počeo Congress Cup i u društvenim prostorijama Islamske Zajednice, gdje su prikazane prezentacije Američkog Univerziteta iz BiH, zatim prezentacija Bošnjačko Američkog Savjetodavnog Vijeća za Bosnu i Hercegovinu, a onda održana vrlo važna Tribina posvećena Izborima 2008. Američki Univerzitet je predstavio prisutnima predsjednik Upravnog odbora Univerziteta Denis

nacionalnog Univerziteta iz Sarajeva, na čelu sa Emirom Hadžikadunićem, generalnim sekretarom. Njihovu prezentaciju, iako najavljenju nismo mogli vidjeti u subotu, ali su se oni potrudili da putem medija predstave rad ovog Univerziteta, ali i putem raznog promotivnog materijala u nedjelju na skupu za otvaranje munare. Nakon svih prezentacija, održan je prvi dio Skupštine KBSA. U prvom

dijelu rada, delegati su usvojili Dnevni red i Poslovnik o radu Skupštine jednoglasno, dok su imali prijedloge dopune i izmjene pojedinih stavku kad je riječ o prijedlogu Deklaracije KBSA, Povelje o formiranju Svjetskog Kongresa Bošnjaka i Apela za registraciju za predstojeće izbore u BiH. U poslijepodnevnom satima orga-



Prezentacija AUBiH

nizovan je fundraiser za Bošnjačko Američko Savjetodavno Vijeće za Bosnu i Hercegovinu, gdje je skupljeno oko 20 hiljada dolara, pri čemu svaki dolar vrijedi dva, zbog matching grant koji ova organizacija ima. Za to vrijeme u Islamskom Centru je započela tribina IABNA na kojoj se otvoreno razgovaralo o formiranju Mesihata u Sjevernoj Americi. Skupu su bili prisutni većina imama iz Sjeverne Amerike kao i Reisu-l-ulema Dr. Mustafa Cerić i generalni sekretar Rijaseta Muhamed Salkić. Predočen je prijedlog Bećira Tanovića, uglednog Bošnjaka iz Chicaga, na koji je ulema iz Rijaseta replicirala da treba da bude korigovan od strane svih džemata a onda proslijeđen u Rijaset na razmatranje.

U večernjim satima održan je svečani program uz večeru u prelijepom Ballroom hotela Hyatt u St. Louisu, kojoj je prisustvovalo blizu hiljadu duša ako uključimo i izvođače iz mnogobrojnih

konzularnih predstavništava, većina imama iz džemata Sjeverne Amerike, mnogi ugledni Bošnjaci koji žive i rade na prostoru Sjeverne Amerike, a od američkih prijatelja Ms. Maida Coleman, State Senator, Mr. Henry Kennedy, State Senator, Mr. Francis Slay, Mayor of City of St. Louis, Mr. Charles Doolie, St. Louis County Executive, Mr. Stephan Gregali, Alderman of South City of St. Louis, Ms. Nancy Lisker, Director of American Jewish Committee St. Louis, Mr. Clint Zweifel, State Representative, Ms. Anna Crosslin, President / CEO International Institute St. Louis

Ms. Sandra Jakovljević, staff, Congressman Russ Carnahan Office St. Louis i druge zvanice... Gostima su se ispred domaćina obratili Murat Muratović, predsjednik Organizacionog Odbora Susreta i imam Muhamed ef. Hasić koji je proučio dovu. Od zvanica, gostima su se još obratili gradonačelnik St. Louis-a Francis Slay, Predsjednik UO KBSA Emir Ramić, ugledni Bošnjak i nekadašnji kandidat za kongresmena, Ilijaš Zenkić, zatim gradonačelnik Srebrenice Abdurahman Malkić, Ambasador Dr. Bisera Turković, kao i glavni gosti večeri, Dr. Haris Silajdžić, predsjedavajući Predsjedništva BiH i Reisu-l-ulema Dr. Mustafa Cerić. Prisutni su s pažnjom slušali njihova obraćanja, posebno glavnih gostiju, čija se suština mogla svesti na pozive za jedinstvo Bošnjaka, i obećanje (Predsjednik) da Policija RS nikad neće biti legalizovana u ustavnim promjenama.

U kulturno-umjetničkom dijelu programa imali smo priliku poslušati sevdalinke u izvođenju Mary Sherhart i Mirsada Jarovića, nekoliko sazlija, kao i prelijepe izvedbe folklornih društava iz Chicaga, Detroita, Seattle, Dallasa, Grand Rapidsa i domaćina St. Louisa.



Skupština KBSA, obraćanje Emira Ramića



Skupštini-KBSA prisustvovala 81 delegat



Obraćanje dr. Mustafef. Cerića prilikom svečanog programa za munaru

folklornih društava. Bila je ovo noć bošnjačkog ponosa, uz bogat program i prelijepu atmosferu. Večeri su prisustvovali Predsjedavajući predsjedništva BiH, Dr. Haris Silajdžić, Ambasador BiH u USA, Dr. Bisera Turković, Reisu-l-ulema Rijaseta IZ BiH, Dr. Mustafa ef. Cerić, Mirsada Čolaković, zamjenik Ambasadora BiH pri UN, Dr. Senad ef. Agić, gl. imam za USA, Tajib ef. Pasanbegović, gl. imam za Kanadu, Dr. Bayram ef. Mulić, predsjednik IABNA, članovi diplomatsko-

Ovdje nećemo imati prostora da o svakom folklornom društvu napišemo više ali ćemo u budućim brojevima Dijaspore bošnjačke pokušati o svakom folklornom društvu navesti posebno informacije. Poseban doživljaj je bio nastup Hora ilahija i kasida IZ St. Louis. Cjelokupan program propačen je sa orkestrom Edina Alunovića Dide, Tea, Iska i Zere koji su pokazali pravu virtuoznost sa svojim instrumentima ove noći. Zaista bi se moglo pisati satima o prelijepoj atmosferi, ali je



Tribina IABNA

bilo i malo gorčine kad su glavni gosti odlučili otići prije samog završetka programa, jer su sva djeca ionako bila ushićena sa njihovim prisustvom, no to njima neka ide na savjest.

Susreti Bošnjaka nastavljani su skupštinskim zasjedanjem u nedjelju, koje je okončano po prvi put bez koncenusa prisutnih delegate, gdje je tijesnim glasanjem odlučeno da se izvrše izmjene u Statutu KBSA, što je kasnije omogućilo da za Predsjednika UO KBSA bude izabran na novi dvogodišnji mandat Emir Ramić.

Congress Cup – tradicionalni fudbalski turnir je okupio 24 tima iz svih dijelova Sjeverne Amerike. Sve pohvale za organizaciju pripadaju Emiru Mulaliću, Safetu Ikeljiću, Seadu Muratoviću i drugima iz St. Louisa koji sa svojim ekipama i saradnicima pripremiše




Hiljade Bošnjaka prisustvovalo programu u povodu završetka radova na munari



of St. Louis
12016 Tesson Ferry Rd., Suite A
St. Louis, MO 63128
Direct: 314-680-4647
Office: 314-756-9100
Fax: 314-842-1014
djmuck@aol.com ~ www.realtyexecutives.com
Each Office is Independently Owned and Operated



Darko & Jasna
Mruckovski Team / REALTORS®



"Expres Video"
Photo, Video Studio and
PRODUCTION

PROFESSIONAL SERVICE!
Recording, Photographing and Video Editing
Wedding's, Birthday's, Graduation's and every
other occasion's.

Fast and Best conversion video tapes from
Euro(PAL) to American(NTSC) system and
reverse, VHS to DVD Mini DV to DVD DVD to DVD
Hi8 to DVD, Fixing Your Own Wedding VHS tapes
or DVD's to a High quality DVD-Blu-ray Disc.
Owner:
Refik Bukvic
2 Overlook Place Court
St. Louis, MO 63129
E-Mail: STLBKVIC@ATT.NET

Service same or next day!
Info: 314-341-1182/845-3637



Predsjednik dr. Haris Silajdžić i Ambasador dr. Bisera Turković u društvu sa Aldermanom Gregalijem i gradonačelnikom St. Louis-a Slayom

turnir, koji je odigran pod pokroviteljstvom Fudbalske Asocijacije BiH u svesrdnu podršku Mirze Jelovca. U subotu je prikazan odličan fudbal, a prisustvo nekoliko stotina navijača je svakako uljepšavalo sportsku atmosferu na stadionu srednje škole VAP St. Louis. Pa ipak strahovit pljusak je prekinuo turnir u momentu kada se trebalo odigrati finalne utakmice, i žrijebom je odlučeno da pobjedničku titulu ponese Kozarac iz Chicaga.

Svečani program završetka radova na munari visokoj 37 metara održan je u nedjelju 25. maja, uz prisustvo visokih zvanica, kako iz redova bošnjačkog naroda, tako i iz reda američkog naroda iz kulturnog, vjerskog i političkog života. Posebno nadahnuto govorili su gradonačelnik Francis Slay, zahvalivši se bošnjačkoj zajednici na prelijepoj munari što kako reče čini grad St. Louis još unikatnijim gradom u USA, dok je Reisu-l-ulema u svom govoru zahvalio Bošnjacima St. Louisa na njihovoj istrajnosti kad je riječ o islamskoj samobitnosti i ponosu i pozvao ih da pomognu Francisu Slay da i dalje bude gradonačelnik jer u njemu imaju svog

prijatelja. Skup je pratilo blizu 5 hiljada osoba. Jaka kiša koja je počela po završetku govora je na kraće vrijeme satjerala sve u džamiju ili njihova auta koja su zauzela cjelokupan parking na Christy Plaza, a po njenom prestanku, nastupilo je narodno veselje uz Folklor Festival. Sve čestitke treba uputiti vrijednim Bošnjakinjama i Bošnjacima koji su u ova tri dana hranili naše musafire, a posebna čestitka treba otići Udruženju logoraša St. Louis koji su organizovali štand gdje je cijeli dan u nedjelju hrana dijeljena besplatno svim prisutnim gostima. Čestitke i zahvala svima onima koji se potrudili oko prevoza gostiju, smještaja, i bilo kakve pomoći oko organizacije Susreta Bošnjaka u St. Louisu.

Organizacija Susreta je postala ogroman projekat, veliki broj manifestacija u tri dana je potrebno organizovati, i obzirom da to uvijek rade naši ljudi dobre volje i volonterski, treba im skiniti kapu i pohvaliti ih. Organizator je svjestan i određenih sitnih propusta, ali sve što je bilo i kako je bilo, sigurno će te propuste zasjeniti. Iduće godine, vidimo se u Jacksonville.



Mary Sherhart, Mirsad Jarović i orkestar Dide Alunovića



Udruženje logoraša St. Louis pomoglo oko ishrane gostiju

**Još nije kasno da
pomognemo
sebi**

www.genocid.org



BOSNA VIDEO

2501 W LAWRENCE AVE
CHICAGO IL 60625
TELEFON (773) 275 - 8281

OPEN
10 : 00 AM
09 : 00 PM

OWNER'S
RASIM & FADILA SILAHIC



AUTHORING STUDIO BOSNA VIDEO
VISOKO KVALITETNOM TEHNIKOM
REMASTERIZUJRE SVA VIDEO IZDANJA SVIH
SVIJETSKI SISTEMA (PAL - NTSC)
ISTA PRENOSI NA DVD VISOKOG KVALITETA HD
VASE SVADBE . ROĐENDANE , SVEČANE
DOGAĐAJE SNIMAMO SA HD KAMEROM
ISTA PRENOSIMO NA VHS I DVD HD
DŽENAZE , SAHRANE , POGREBE
RADIMO BESPLATNO .
HVALA NA POVJERENJU VAŠA BOSNA VIDEO

BOŠNJAČKI IZVORI VELIĆ

5311 N California Ave
Apt # 2 S
Chicago, IL 60625

H. 773.784.2771
C. 773.895.5131
amir82@sbcglobal.net



Znanje je jedna kap, a neznanje cijelo more

Bosanske vjerske knjige možete naručiti i kupiti po cijenama kao i u Bosni. Da riješite svoje dileme sa literaturom i znanjem, da ostavite svojoj djeci u amanet. Bajramski pokloni i za sve druge prilike koje ostaju trajno u vašim i našim seharima i vitrinama.

www.bosnjackiizvori.com

HVALA NA POVJERENJU

Pozicija Bosne i Hercegovine u provođenju Sporazuma o stabilizaciji i pridruživanju sa Europskom unijom

BIH MORA BITI JEDINSTVENA DRŽAVA!!!

Svi koji su na čelu institucija sadašnje bh. države moraju jednostavno umjesto dva entiteta – Federacije i Republike Srpske, stvoriti Bosnu i Hercegovinu, i konačno početi razmišljati na takav način", izjavio je Jelko Kacin, slovenski zastupnik u Europskom parlamentu

Euroatlantske integracije u koje Bosna i Hercegovina već godinama pokušava ući kao osiromašena zemlja, izdijeljena na nekoliko neprincipijelnih, izrazito nefunkcionalnih i nacionalno homogeniziranih regija, još uvijek su daleko od nas. Ukratko ovo su zaključci posljednjih razgovora o statusu naše zemlje u pregovorima o Stabilizaciji i pridruživanju sa Europskom unijom.

-U Bosni i Hercegovini se mora napraviti štošta da bi se ubrzao proces europskih integracija, a prvi preduvjet za to je da se napravi bosanskohercegovačka država, koje, to odgovorno tvrdim, u ovom trenutku nema. Svi koji su na čelu institucija sadašnje bh. države moraju jednostavno to uzeti na sebe i umjesto dva entiteta – Federacije i Republike Srpske, stvoriti Bosnu i Hercegovinu, i konačno početi razmišljati na takav način", izjavio je Jelko Kacin, slovenski zastupnik u Europskom parlamentu i izvjestitelj za Srbiju.

U povodu ponovnih, sve učestalijih izjava predsjednika Republike Srpske Milorada Dodika da „Bosnu i Hercegovinu ne prihvata kao svoju državu“, Kacin zaključuje da će „od toga da li će svi navijati za svoju zemlju, i da li će svi odraditi sve što je potrebno za Bosnu i Hercegovinu kao vjerodostojnu državu, a ne za svoje susjede, isključivo zavisiti i hoće li i kada će Bosna i Hercegovina jednoga dana uopće i ući u Europsku uniju“.

Na pitanje da li su samo entiteti i oskudni patriotizam glavne bosanskohercegovačke kočnice na putu europskih integracija, Kacin je odgovorio da je nedavno interparlamentarno savjetovanje za zapadni Balkan u Bruxellesu "bila jedinstvena pri-

lika prije svega za zastupnike Parlamenta BiH da napune baterije, da zatraže od svojih političkih dužnosnika u zemlji da pojačaju dolaske u sjedište Europske unije i da što više nastupaju u Bruxellesu, da hrabrije zastupaju svoju zemlju, da uživo odgovaraju u europskim parlamentarcima i ostalim europskim dužnosnicima, preuzimajući i na taj način odgovornost za svoja djela i nedjela. U tome je glavna formula uspješne parlamentarne demokracije", izjavio je Kacin.

On je rekao kako nije spreman „prihvatiti priču da se nitko u Bosni i Hercegovini nije mogao pronaći da pravovremeno napravi sve potrebne prijevode Sporazuma o stabilizaciji i pridruživanju na sva tri svoja domaća jezika, već se s tako banalnim tehničkim poslovima čekalo da to uradi netko u Bruxellesu. To je ogromna sramota za Bosnu i Hercegovinu o kojoj se ovdje u Bruxellesu otvoreno govori, jer se Bosna i Hercegovina prikazala nesposobnom državom da od danas do sutra, ako je potrebno u jednoj noći, ili u jednoj sedmici prevede tako važan dokument EU kao što je Sporazum o stabilizaciji i pridruživanju, koji upravo najveću korist donosi vama u Bosni i Hercegovini", izjavio je Kacin.

-To što se moralo čekati još mjesec dana za potpisivanje SSP-a i da nitko u Sarajevu nije u stanju naći nikakvo racionalno obrazloženje za takve postupke, već optuživati samo zvaničnike i administraciju u Bruxellesu – to je sramota za Bosnu i Hercegovinu i iz toga biste svi morali naučiti štošta, i to što prije to bolje za vas, rekao je Kacin.

Na pitanje što je s odgovornostima Europske unije koja je u posljednje vrijeme ipak Bosnu i Hercegovinu neopravdano ostavila na margini europskih procesa u odnosu na Srbiju, pa čak i na Kosovo, Kacin je rekao kako i „Unija ima dosta vlastitih sramota“, ali i da ima svoje države članice, svoje predsjedavajuće, svoju birokraciju, ali i svoja pravila igre. „Ma kakva ona bila, Europska unija je tu koju mi tražimo, a nije ona tražila nas.“

Nagrada "Srebrenica 1995." dodijeljena američkom senatoru Josephu R. Bidenu

ZASLUGE ZA SLOBODU I MIR

Predstavnice udruženja porodica žrtava genocida jednoglasno su odlučile da nagrada "Srebrenica 1995." ove godine bude dodijeljena američkom senatoru Josephu R. Bidenu.

U obrazloženju Odluke navodi se da je senator Biden svoje prijateljstvo pokazao tokom agresije na Bosnu i Hercegovinu, zalažući se, između ostalog, za ukidanje embarga na uvoz oružja, javlja MINA.

"Potočarska povelja", priznanje koje dodjeljuje Institut za istraživanje zločina protiv čovječnosti i međunarodnog prava, ove godine bit će uručene Udruženju građana "Pokret majke enklava Srebrenice i Zepe" Sarajevo, Udruženju građana "Žene Srebrenice" Tuzla, Udruženju građana "Srebreničke majke" Srebrenica i Udruženju građana "Žene Podrinja" Bratunac.

Sve ove godine, ova udruženja ulažu ogromne napore da bi javnosti prezentovale užasne




činjenice o njihovim stradanjima, došli do broja ubijenih i nestalih osoba, otkrili masovne grobnice, te da bi se prikupili i identifikovali posmrtni ostaci i obavio dostojanstven ukop njihovih najmilijih.

Ceremonija dodjele nagrade i priznanja bit će održana u Memorijalnom centru "Srebrenica/Potočari spomen-obilježje i mezarje" 10. jula. Utemeljitelj nagrade "Srebrenica 1995." i priznanja "Potočarska povelja", koji se uručuju svake godine u znak sjećanja na žrtve genocida počinjenog u Srebrenici, jeste reisu-l-ulema Islamske zajednice u Bosni i Hercegovini dr. Mustafa ef. Cerić.

Ova nagrada i priznanje dodjeljuju se onima koji se bore protiv genocida te promoviraju mir i toleranciju u cijelom svijetu. Predstavnice udruženja porodica žrtava genocida - Udruženje građana "Pokret majke enklava Srebrenice i Zepe", Udruženje građana "Žene Srebrenice" i Udruženje građana "Srebreničke majke" odlučuju o osobama ili institucijama koje trebaju dobiti nagradu i priznanje.

Dosadašnji dobitnici nagrade "Srebrenica 1995." hronološkim redom su: Tadeusz Mazowiecki, bivši specijalni izvještaj UN-a za ljudska prava, Tilman Zülch, predsjednik Saveza ugroženih naroda i počasni kongresmen Chris Smith, a priznanja "Potočarska povelja" - Paddy Ashdovvn, bivši visoki predstavnik u BiH, Fuad Riad, bivši sudija Haškog tribunala (ICTY) i Amor Mašović, šef Federalne komisije za nestale osobe.



Bernard-Henri Lévy
u Sarajevu prikazao
svoj dokumentarac

"BOSNA" FILM POSVEĆEN ALIJI IZETBEGOVIĆU

U kulturnom centru André Malraux u Sarajevu u srijedu 11. juna prikazan je dokumentarni film «Bosna» poznatog francuskog intelektualca, književnika, filozofa, scenariste i reditelja Bernarda-Henria Lévyja. Prije projekcije, prisutnima se obratio Lévy i pozdravio generala Jovana Divjaka, preživjele borbe koji se pojavljuju u filmu te Edisa Osmića, vojnika koji se nalazi na posteru filma "Bosna"!

Nakon projekcije, Lévy je održao govor u kojem je pričao o važnosti Bosne i Hercegovine u Evropi, jer

kako on to kaže „Bosna je srce Evrope“, o sjećanju i važnosti kolektivne memorije jednog naroda.

Na kraju, Autor je kazao kako je film posvetio Aliji Izetbegoviću, „glavnom akteru filma Bosna!“ Iako nije bilo predviđeno, nakon Lévyjevog govora, uslijedila je projekcija njegovog drugog filma "Jedan dan u smrti Sarajeva", snimljenog 1992. Ovaj film, nastao iz potrebe, govori o početku rata u Sarajevu, o stradanju civila i kulturnog naslijeđa. Ovaj film nikada ranije nije bio prikazan u Bosni i Hercegovini.

Locirani u srcu bosanske zajednice!

LEMAY INTERNAL MEDICINE



Treba li vam klinika do koje možete doći za nekoliko minuta i gdje svoje zdravstvene probleme možete opisati na bosanskom jeziku?

Trebate li doktore koji će pristupiti vašem problemu kao svom vlastitom?

Nazovite nas: 314-543-5984

i na bosanskom jeziku

Zakažite apointment.

LEMAY INTERNAL MEDICINE

Moderna medicina.

Tretman sa razumijevanjem.



Josef Wood,
doktor medicine
Medicinski Fakultet
University of Illinois

Residency:
St. John's Mercy,
St. Louis




Emir Kerić,
doktor medicine
Medicinski Fakultet
Univerzitet u
Banja Luci

Residency:
SLU Hospital
Forest Park Hospital

2900 Lemay Ferry Road Suite 208
St. Louis, MO 63125
314-543-5984

ST *Anthony's*
Medical Center



Designed by the Bosnian Media Group

Refa Tax Service



Reufik Colpa
Autorized
IRS e-file provider

5620 N Western Ave
Chicago, IL 60659

773-944-0031

773-332-1882

Fax: 773-856-5624




e-mail: reufikc@yahoo.com

www.bmg.ba

Alenko Comerc d.o.o.

PRODAJA PVC STOLARIJE

Besplatan prijevoz na području Kantona Sarajevo



Rajlovac, Sarajevo
Ul. Safeta Zajke 187

Mob.: 061-319-376
Fax: 033-455-517



DELMAR FINANCIAL COMPANY

MORTGAGE BANKERS

1030 WOODCREST TERRACE • SAINT LOUIS, MO 63141-5003 • 314-434-7000
TOLL FREE 1-800-289-3326



VAŠ MORTGAGE LOAN OFFICER - JEDANAEST GODINA ISKUSTVA

BRUNO MRUCKOVSKI

314-638-3000 OFFICE

314-583-1112 CELL.

8707 Gravois Rd.

UVIJEK NA RASPOLAGANJU ZA TERMINE

*Equal Housing Lender



Da li će uskoro OHR-a u Bosni i Hercegovini biti ukinut

STRANCI I DALJE GOSPODARE

Miroslav Lajčak, visoki predstavnik u BiH, izjavio je u Beču da će prestanak rada OHR-a u BiH potvrditi uspjeh Dejtonskog mirovnog sporazuma, za šta će biti potrebno da budu ispunjeni uslovi i ciljevi koje je postavio Savjet za sprovođenje mira. U obraćanju Stalnom savjetu OEBS-a Lajčak je ocijenio da je nastavak puta ka Evropi najbolja garancija mira, bezbjednosti, prosperiteta i državnosti BiH i istakao da će napredak na realizaciji uslova i ciljeva, koje je postavio Savjet za sprovođenje mira, biti ispitan tokom juna i još jednom na jesen. Osnovni cilj budućeg angažmana predstavnika međunarodne zajednice u BiH će biti da omogući da integracija u EU bude prioritet političkog programa.

-Činjenica je da podsticaj eventualnog članstva u EU, zajedno s ogromnim sredstvima koja prate integraciju i koja će je sve više pratiti, doprinose rješavanju mnogih izazova uzrokovanih historijskim nasljedom i multietničkom stvarnošću ove zemlje, rekao je Lajčak. Prema njegovim riječima, nakon dvije godine političkog zastoja i kriza, uoči ovogodišnjih izbora, BiH ulazi u krajnje zahtjevnju fazu da ostvari uspjeh u pogledu Sporazuma o stabilizaciji i pridruživanju, Privremenog sporazuma koji će uslijediti, te šanse koju je ponudio Brisel za konačno ukidanje viza. Lajčak je ocijenio da će rad na svemu ovome istovremeno zahtijevati određen



stepen političkog dogovora, praktične primjene, intenzivnog rada i dobrog prosuđivanja domaćih vlasti, što će ih podvrgnuti "testu do krajnjih granica". -Smatram da će politički lideri BiH u dogledno vrijeme biti u stanju da postignu dogovor o onim ustavnim promjenama koje su sasvim jasno i očigledno potrebne kako bi se obezbijedilo članstvo u EU, zato što više od 70 odsto njihovog izbornog tijela želi pridruživanje EU i što očekuje od svojih lidera da ih povedu u Evropu i da to učine što prije, rekao je Lajčak.

Mostar

DAN PRIJATELJSTVA BiH I SAD-a



U Mostaru su, na aerodromu Otriješ, 5. juna 2008. godine održani Dana prijateljstva BiH-SAD-a. Tom prilikom prisutnima su se obratili predsjedavajući Predsjedništva BiH Haris Silajdžić, ambasador SAD-a u BiH Charles English, načelnik Zajedničkog štaba Oružanih snaga BiH general Sifet Podžić te zamjenik komandanta Američke komande za Evropu viceadmiral Richard K. Gallagher.

Predsjedavajući Silajdžić je tom prilikom istakao kako je BiH krajem 2006. godine, uz veliku podršku SAD-a, pozvana u NATO-program Partnerstvo za mir, a od aprila ove godine i za uspostavu Intenzivnog dijaloga s NATO savezom.

-BiH je opredijeljena i očekuje da će kroz angažman u okviru NATO-a i drugih programa i inicijativa, SAD u budućnosti i dalje ostati njen najznačajniji strateški partner u oblasti odbrane. Priključenje Evropskoj uniji i NATO-u ostaje osnovni prioritet aktivnosti na svim nivoima, kazao je Silajdžić.

Ambasador Charles English je istakao kako je slika jedinstvenih Oružanih snaga BiH u istoj uniformi

Ambasador Charles English je istakao kako je slika jedinstvenih Oružanih snaga BiH u istoj uniformi koje služe pod jednom zastavom i koje poštuju jedinstven civilni lanac komandovanja dokaz da je BiH nepovratno krenula evroatlantskim putem.

koje služe pod jednom zastavom i koje poštuju jedinstven civilni lanac komandovanja dokaz da je BiH nepovratno krenula evroatlantskim putem.

-Mi smo uvijek vjerovali da ako rade zajedno, donose teške odluke i nađu prostora za kompromis, lideri ove zemlje mogu napraviti pozitivne promjene koje bi BiH odvele naprijed ka evroatlantskoj zajednici zemalja. Takvi lideri, okrenuti budućnosti i spremni na kompromis, potrebni su i mnogim drugim reformama koje se trenutno suočavaju sa problemima. Samo tada će BiH moći zauzeti mjesto koje joj pripada u slobodnoj, cjelovitij i mirnoj Evropi, kazao je English.

Nakon prigodnih obraćanja upriličena je dodjela priznanja zaslužnim pojedincima koji su dali značajan doprinos u domenu odbrane i sigurnosti. Specijalno priznanje ministra odbrane BiH za izraziti doprinos u reformi odbrane i napretku BiH ka NATO-u dodijeljeno je generalu Sifetu Podžiću.

Medalju za zasluge kopnenih snaga SAD-a dobili su pripadnici Oružanih snaga BiH pukovnik Džemal Mašinović, major Ibro Alispahić i kapetan Admir Jusupović, koji su služili kao oficiri za vezu u Američkoj centralnoj komandi. Pripadnici Oružanih snaga BiH Asmir Sarajlić, Damjan Šodolović, Smail Rošić, Aleksandar Atelj i Darko Ciganović dobili su padobranske značke američkog vazduhoplovstva.

Miss BiH za 2008. godinu

NAJLJEPŠA TANJA VUJIČIĆ



Na gradskom trgu u Bihacu, početkom juna je održano finalna manifestacija Izbor Miss BiH za Miss svijeta 2008. godine u kojem su učestvovala 23 djevojke. Titulu ovogodišnje Miss BiH osvojila je Tanja Vujičić iz Nevesinja. Prva pratilja je Inaida Ibrahimović iz Sarajeva, a druga pratilja Sanela Koprena iz Banje Luke.

Pobjednici je krunu uručila prošlogodišnja Miss BiH Gordana Tomić, a ukupna vrijednost nagradnog fonda koji joj je dodijeljen iznosi oko 50.000 KM.

"Ljepota sa svrhom" bio je moto ovogodišnjeg izbora, a kako se 4. juni obilježava kao Međunarodni dan djece žrtava nasilja, izbor najljepše djevojke bio je posvećen upravo ovoj temi. Djevojke su u toku priprema posjetile Dom za nezbrinutu djecu u Kanici kod Bihaca.

U Foči nakon 16 godina

VJENČANJE BOŠNJAKA

Prvo vjenčanje Bošnjaka u Foči nakon 16 godina obavljeno je u nedjelju, 8. juna ove godine. U bračne vode uplovili su Miralem ef. Hodžić iz Travnika i Amela Bajraktarević iz Paunaca kod Ustikoline.

Od 1992., naime, u Foči se nije vjenčao nijedan bošnjački par. Na svadbi je bilo stotinjak članova rodbine, prijatelja i komšija ef. Hodžića i Amele Bajraktarević. Nakon vjenčanja u Foči, pred matičarkom Branom Kujundžić, u renoviranoj džamiji na Musluku obavljeno je i šerijatsko vjenčanje.

Mladence je vjenčao muftija goraždanski Hamed ef. Efendić. Nakon toga, svatovi su krenuli u rodno selo mladoženje Gluha Bukovica kod Travnika, gdje je veselje trajalo do kasno u noć.

Ef. Hodžić je glavni imam u novosagrađenoj džamiji na Kozarevcu kod Tjentišta. Izabranicu je upoznao prije godinu u Foči. Mladenci će živjeti na Tjentištu, u okruženju tamošnjih prijatelja i komšija.

IZABRANA NAJLJEPŠA DJEVOJKA BIH USA 2008.



Piše: Hajro Smajić

U subotu 31. maja održano je finale za najljepšu djevojku iz Bosne i Hercegovine a na području Amerike. Finale je održano u ST. Louisu u velikoj sali restorana Grbić a pravo učešća je steklo četrdeset djevojaka iz deset država širom Amerike. Djevojke koje su prošle kvalifikacije u svojim državama te večeri imale su priliku da plasiraju svoju mladost i ljepotu. Vladalo je veliko interesovanje kako djevojaka tako i njihovih roditelja, rodbine i prijatelja. Na finalnoj večeri za izbor najljepše naše djevojke na području Amerike pojavilo se trinaest djevojaka:

- 1.Sanja Ilić, Arizona Tusson, Sarajevo
- 2.Dženeta Omerović, St.Louis, Vlasenica
- 3.Eldina Sinanović, Atlanta, Derventa
- 4.Sonja Pupić, St.Louis, Mostar
- 5.Irma Mandžo, Dalton Georiga, Foča
- 6.Emina Grašković, Lawrencevill Georiga, Fojnica
- 7.Eneida Kamenjaš, St.Louis, Bosanski Novi
- 8.Hanifa Jašarević, St.Louis, Srebrenica
- 9.Anja Rudan, Bosie Idaho, Stolac
- 10.Sabrina Omerović, St.Louis, Vlasenica
- 11.Edina Halilović, Phoenix, Banja Luka
- 12.Amela Hadžić, St.Louis, Doboj
- 13.Elma Agić, Detroit, Brčko

U lijepoj atmosferi pored naših lijepih djevojaka muzički dio programa odradili su Esad Mehanović, Isko, Almasa Mehanović, Sajib Murgić i naravno Halil Mehmedović Halčo. Sve to je uljepšao i nastup KUD-a Đerdan sa ko-reografom Sekom Zukanović. Sponzori koji su podržali ovu manifestaciju su: Alpha Transport, St.Louis; Advokat Danijel Marsh; Elmo i Sanela, St.Louis; Kafe Berix; Dudić Tires; Frizerski Salon Dina; Dragulj Bosne; Trgovina Vrelo; N.K BiH; Kafe Bar Skala; Vega Transport; Dino Herenda; Jasna Bejtović; Mirso Pehlić; Evro Market i Grill Biser; Frizerski salon H & H Hair Studio Fata i Elvira; Frizerski salon Opportunity national academy of Beauty Arts; Bosna Grill 10020 Gravios; Ferida Mišković; Cafe Sarajevo Phoenix Gos. Seida.

Veliku pomoć u organizaciji ove finalne večeri organizator Global Beauty je imao od Merime Zolj, Muhameda Smajića, Hruste Begovića kao i od porodice rahmetil Fadila Bradarića supruge Sajme, Denisa i Alena.

Ove godine djevojka koja je izabrana za Miss BiH-USA predstavlja i dijasporu i državu Bosnu i Hercegovinu. Žiri u sastavu: Armin Džafić, Miss. Kelly, Ferida Mišković, Seida Trkulja, Džemo Hamzić, uz kontrolu žirija u sastavu Alma Muljaljić i Emina Zolj konačno je proglasio za MISS ŠARMA Elmu Agić, za MISS PUBLIKE izabrana je Hanifa Jašarević, DRUGA PRATILJA Edina Halilović, PRVA PRATILJA Hanifa Jašarević a titulu najljepše ponijela je Emina Grašković.

Medijski pokrovitelji ove manifestacije bili su: BiH radio Sada Ovcina, Radio Behar a glavni sponzor i medijski pokrovitelj RTV Bostel.

U Čeliću svečano otvoreni

DANI JAGODASTOG VOĆA U BIH



Manifestacija „Dani jagodastog voća BiH“ se u kontinuitetu održava već 19 godina, a svojim karakterom i sadržajima predstavlja sajam proizvođača jagodastog voća i poljoprivredne mehanizacije. Na ovogodišnjoj manifestaciji učešće je uzelo preko 500 izlagača jagodastog voća, što ukazuje na konstantan porast broja interesanata za izlaganje na ovoj manifestaciji. Pored prezentacije jagoda i jagodastog voća kao i poljoprivredne mehanizacije priređena je i prezentacija Bosanske sofe. Sa preko 500 različitih jela Turistička zajednica Tuzlanskog kantona nastoji još jednom skrenuti pažnju na tipičnu bosanskohercegovačku gastronomsku ponudu.

Također, organizatori su svečano otkrili i spomenik

U Čeliću je krajem maja održana tradicionalna privredno-sajamska manifestacija Dani jagodastog voća.

jagodastom voću, po čemu je područje Čelića dobro poznato.

Zaslужnim pojedincima i institucijama dodijeljena su i priznanja za podršku ovoj manifestaciji. Vladi Tuzlanskog kantona dodijeljeno je priznanje „Prijatelj manifestacije Dani jagodastog voća BiH“.

“Majke enklava Srebrenica i Žepa” ogorčene najavom da će Policija Republike Sprske osiguravati dženazu u Potočarima 11. jula 2008. godine poručuju:

POLICIJA REPUBLIKE SRPSKE JE SUDJELOVALA U ZLOČINIMA U SREBRENICI

“Majke enklava Srebrenica i Žepa” ogorčene su najavom direktora policije RS-a Uroša Pene da će policija RS-a osiguravati dženazu u Potočarima 11. jula 2008. godine. Mjesec dana pred održavanje dženaze one su poručile kako je ta ista policija sudjelovala u genocidu i da nije primjereno da isti policajci osiguravaju dženazu žrtvama.

-Svojim radikalnim izjavama o “nadležnosti policije RS-a da osigurava dženazu u Potočarima 11. jula”, Pena je samo potvrdio da određeni pojedinci i institucije u našoj zemlji još provode genocid nad nama. Jer kako drugačije shvatiti obavezno prisustvo policije RS-a na dženazi u Potočarima, pitaju se u Udruženju Pokret “Majke enklava Srebrenica i Žepa”. -Dokazano je pred Međunarodnim sudom

pravde u Haagu da je policija RS-a počinila genocid u Srebrenici u julu '95. godine. Zar je po zakonu da ista ta policija koja je ubijala naše najmilije, osigurava dženazu u Potočarima - pitaju se u Udruženju.

Majke Srebrenice i Žepe, koje su izrazile nezadovoljstvo i zbog izjave Mirka Lujića, direktora Agencije za istrage i zaštitu (SIPA), da SIPA nema nadležnost da osigurava skup u Potočarima.

-Kako protumačiti njegovu izjavu nego kao ohrabivanje Pene i onih iza Pene, koji će zbog nadležnosti i zakona u ovoj zemlji još jednom se u lice nasmijati svjetskoj javnosti, uvrijediti žrtve i napraviti još jedan presedan u historiji čovječanstva: Da ubica “čuva” svoju žrtvu, smatraju u Udruženju Pokret “Majke enklava Srebrenica i Žepa”.

Obavljena zajednička dženaza žrtvama zločina u Zvorniku

UKOPANE JOŠ 34 ŽRTVE



Bošnjaci Zvornika oprostili su se od svojih najmilijih na još jednoj zajedničkoj dženazi koja je klanjana na šehidskom mezarju u Memićima kod Kalesije. U jednom danu, 1. juna, ukopano je 28 nevinih žrtava, a dan ranije u Jusićima još šest.

Njihovi posmrtni ostaci nađeni su u sedam masovnih grobnica ekshumiranih posljednjih godina: Crni vrh, Kamenica, Snagovo, Trnovac, Vlasenica, Paprača i Gorice kod Brčkog. Na šehidskom mezarju Memići porodice, rodbina, prijatelji i poznanici oprostili su se u jednom danu od: Grahić (Hasiba) Avde (1938) Đulići, Grahić (Hajdara) Safeta (1958) Đulići, Ahmetović (Halila) Safeta (1954) Križevići, Dardagan (Rašida) Nure (1942) Glumina, Ibrahimović (Mehmeda) Ševke (1950) Zvornik, Zehić (Rašida) Nezira (1935) Zvornik, Begić (Saliha) Samira (1972) Kusonje, Omerović (Osmana) Muharema (1957) Sjenokos, Pandur (Zejra) Ibrahima (1943) Glumina, Fehratbegović (Hasiba) Edina (1974) Odžaci-



Šekovići, Krainović (Selima) Nezira (1927) Glumina, Jašarević (Edhema) Bajre (1963) Klisa, Terzić (Sejme) Sejada (1965), Đulići, Lolić (Mustafe) Hajre (1967) Đulići, Duškunović (Kasima) Rame (1906) Zvornik, Grahić (Selme) Hameda (1964) Đulići, Čergić (Nurije) Nurifa (1952) Kučić Kula, Kalajdžić (Sulje) Hifze (1940) Mahmutović, Hamzabegović (Hamzalije) Hajrudina (1960) Glodi, Hadžić (Džemala) Nusreta (1951) Memići, Bošnjaković (Alije) Mehmeda (1957) Kaludrani, Selimović (Safeta) Hasana (1961), Đulići-Radava, Selimović (Safeta) Agana (1952), Đulići-Radava, Selimović (Agana) Emira (1974) Đulići-Radava, Dahalić (Bege) Razije (1966) Snagovo, Sefić (Saliha) Kadira (1965) Snagovo, Topalović (Mustafe) Asima Mrakodol, Mumić (Hasana) Vehida Križevići. Na mjesnom mezarju u Klisi 31. maja obavljena je zajednička dženaza za šest žrtava ratnih zločina: Avdić (Ismeta) Zekerijahu, Avdić (Arifa) Elviru, Alić (Ahme) Avdi, Alić (Ibrahima) Nedžad, Delić (Džemala) Džemilu i Hrustić (Safeta) Fedahiji.



Predstavljamo: KUD „Hasan Kaimija“ Zvornik
ČLANOVI I PREKO DRINE DOLAZE NA PROBE



U okviru BZK „Preporod“ Zvornik, drugu godinu, djeluje Kulturno umjetničko društvo „Hasan Kaimija“. Okuplja oko pedeset članova u folklornoj sekciji podijeljenih u grupe osnovnoškolskog i srednjoškolskog uzrasta. Prevashodan cilj je očuvanje tradicije i kulture Bošnjaka i razvijanje pozitivne svijesti i suživota sa komšijama.

Iako rade u teškim uslovima, bez elementarnih potreba, upornošću članova i vođe KUD-a Hamida Ibrahimovića, ova sekcija ne samo da opstaje, već se i razvija.

Nedavno smo dobili prostorije za vježbe koje nam je ustupio Mehdi Mehmedović-Medo u svojoj kući bez naknade. Članovi sekcije vježbaju u dane vikenda i većini naših polaznika ovo je jedina vannastvana aktivnost. Najvećem broju, i mnogo više od toga. Osim uvježbavanja koreografije za nastupe, ovo je prilika da se djeca druže i upoznaju. Polaznici su iz bošnjačkih povratničkih porodica, iako je sekcija otvorena za svu drugu djecu – kaže Hamid Ibrahimović. Vođa sekcije ističe kako se posebno stimulise školski uspjeh članova, a najveći broj polaznika su dobri učenici. Od početka rada društva dolaze polaznici iz Malog Zvornika, Bukovca i svih dijelova grada Zvornika.

U proteklom periodu, KUD „Hasan Kaimija“ jer nastupao na manifestaciji Kaimijini dani, u okviru bajramske priredbe, otvaranju prvenstva u kajaku i kanuu na mirnim vodama na Diviču, na manifestaciji koju podržava Nakamura fondacija u Omladinskom centru Križevići.

Najveći je problem što nemamo adekvatne opreme. Nastupamo u pozajmljenim nošnjama, a nemamo ni ozvučenje. Uputili smo zahtjeve za pomoć na više adresa kako bismo obezbijedili oko 20.000 KM za stvaranje elementarnih uslova za rad. Obećavali su mnogi da će pomoći, od Fadila Banjanovića, ljudi iz SDA, ali niko nam konkretno do sada nije izašao u susret. Planovi su da nastupamo na svim manifestacijama u Zvorniku, ali i da se predstavimo na smotrama izvan grada, pa i u inostranstvu, jer ima naznaka da bismo mogli ugovoriti gostovanja u nekim zemljama Zapada gdje živi veći broj naših ljudi – kaže Hamid Ibrahimović. Za članove KUD „Hasan Kaimija“, ovo je više od igre i druženja. Imaju priliku da ispolje kreativnost, kvalitetno troše slobodno vrijeme i razvijaju pozitivan duh.

Planovi u KUD-u su da se oforme sekcije u mjesnim zajednicama u kojima bude postojao interes, prvenstveno u Diviču i Kula Gradu u skorije vrijeme, te da se formiraju i druge sekcije u okviru KUD-a, poput literarne, likovne, i druge. U planu je da se KUD „Hasan Kaimija“ predstavi publici na Zvorničkom kulturnom ljetu i na taj način obogati kulturne sadržaje koji se godinama tradicionalno nadograđuju na ovom području.

TRGOVINA MJEŠOVITE ROBE
KLAS MARKET

VOĆE
POVRĆE

RENTAMO SVE BOSANSKE FILMOVE

9440 GRAVOIS RD ST. LOUIS, MO 63123
314-544-8900

Euro Market & Grill
Otvoreni svaki dan!
9 AM - 7 PM

BISER

3225 Lemay Ferry
St. Louis, MO 63125

314-487-2004

WWW.TVBOSNJACI.NET Beta!

EKONOMIJA POMOĆ Reportaže FILMOVI
Trac Sport SERIJE Zabavna
Muzika Intervjui Politika
SRBIJA Irvatska ANALIZE

GLEDAJTE NAS BILO GDJE BILO KAD I U BILO KOJE VRIJEME
MI SMO VASA JEDINA TELEVIZIJA WWW.TVBOSNJACI.NET

Intervju: Dino Merlin po prvi puta sa novim albumom i na američkom tržištu

NAKON 25 GODINA MERLIN ISPOČETKA

Razgovarao:
Bruno Mruckovski

Dino Merlin, najsjajnije zvijezda na bosanskohercegovačkom estradnom nebu, ove sedmice širom svijeta promovira izlazak svog najnovijeg albuma pod simboličnim naslovom "Ispočetka". Ovim albumom, Dino Merlin po prvi put u karijeri dolazi na američko tržište kroz projekat izdavačke agencije Novella LLC, koja će u Americi plasirati potpuno autorski zaštićeno američko izdanje albuma. Nekadašnji frontmen, srce i duša Sarajevske grupe Merlin, Dino je jedan od rijetkih muzičara sa ovih prostora čiji uspjeh seže znatno dalje od republičkih granica zemalja nastalih raspadom bivše Jugoslavije. Iako je zvijezda globalnih razmjera i jako zauzet čovjek, Dino Merlin spada u onu malu grupu poznatih muzičara koji svijet ne gledaju sa visine, "kao Sarajevo iz uspinjače".

Naš novinar je ovih dana proveo dvadesetak minuta u spontanom razgovoru sa Dinom, na dan kada ga je čekalo još petnaest intervjuova sa medijskim kućama iz šire regije. Dijaspore Bošnjačka prenosi najzanimljivije izvode ovog razgovora.

Dino, ove sedmice širom Europe i Amerike na tržište izlazi vaš najnoviji, 10 po redu studijski album pod nazivom Ispočetka. Šta vam je dalo inspiraciju za ovaj album i kakvu poruku on nosi?

Pa, nekako kad god krenem u novi



izazov, u novi projekt, čini mi se kao da počinjem ispočetka, kao da ništa iz mene nema, a ispred mene je samo jedan bijeli papir. Čovjek se nekako zapita "bože, ima li kraja ovom svemu." a onda je odgovor nema nikakvog kraja, ustvari postoji samo

iznova neki novi početak. Tako je to mene inspirisalo i motiviralo da nazovem svoj album Ispočetka

Poseban uspjeh u prošlosti ste imali sa pjesmama u kojima nastupate zajedno sa drugim pjevačima, od "Kad zamirišu jorgovani", pa sve do "Verletzt". Možete li nam reći kako se u suštini stvori jedan duet i kako odredite ko će biti druga polovica dueta?

Taj period stvaranja pjesama nema matematički prizvuk ili racionalan karakter. Krenem pisati pjesmu kada mi dođu stihovi ili note, i onda u periodu stvaranja učini mi se da bi moglo biti dobro ako bi neko participirao tu, u tom momentu, da li sa nekim instrumentom, dali sa svojim glasom i to na kraju producira i stvori eventualni duet. Radim ono što mi srce kaže, i ako zamislim da bi u toj rečenici ili u tom djelu pjesme mogao neko participirati svojim glasom, pozovem ga i to ljudi zovu duetom. To je naprosto jedan moj stil i način kako ja donosim svoju pjesmu na najbolji mogući način.

Dino, šta vam znači plasman na američko tržište?

Jako puno zato što je to jedno ogromno tržište koje ima jedan izvanredan potencijal i naravno čovjek se trudi da proširi svoje tržište i da što veći broj ljudi imaju priliku da kupe originalni CD i da to slušaju. Sav moj proboj na američki kontinent mogu da zahvalim jednoj hrabroj i odvažnoj ženi koja je to sve i organizirala prije 11 godina,

ona se zove Dijana Groth, I ja joj se i ovaj put zahvaljujem. Volio bih da ima više tako hrabrih ljudi koji imaju taj touch, taj kako bih rekao "sense" za i posao i na kraju krajeva emociju jer su ti prvi koraci bili vođeni željom da nešto uradimo za te ljude u Americi, da im priuštimo kvalitet iz domovine, I tako je i bilo. Evo sad je to drugi korak, da je Dijana Groth i njena firma Novella uspjela preći tu barijeru tih banditskih i kriminalnih radnji, da je već decenijama potpuno normalno da ljudi u Americi kupuju pirate, ali nažalost nemaju mogućnost da kupe originale. Evo sad kad imaju mogućnost da kupe original, pa neka se pokažu. Mislim da je čovjek predisponiran da ako mu ponudite dobro on će izabrati dobro, samo će manjina izabrati kriminal i loše. I naravno da je drastična razlika u zvuku zato što je pirat mp3, a ovo što mi nudimo je rađeno u najboljim mastering studijama. Čovjek koji kupuje pirate je uskraćen prvo za zvuk drugo za likovnost omota i za svu onu ljepotu koju čovjek ima kada uradi nešto pošteno i legalno. Neka i tamo ljudi koji žive krenu ispočetka i kupuju original.

Vaše su turneje u Americi uvijek budile veliku pažnju publike. Kada vam se možemo opet nadati na ovoj strani Atlantika?

Mislim da je realno da ćemo ako Bog da u proljeće raditi turneju po Americi.

Do tada ćemo proći ovaj dio Evrope i bivše jugoslovenske zemlje, u Sarajevu će biti premijera 19. jula i sve koji su u mogućnosti da dođu pozivam ih.



U prodaji novi album Dine Merlina

“ISPOČETKA”

Četiri godine nakon što je objavio “Burek”, Dino Merlin se predstavlja publici materijalom koji objedinjuje sva njegova dosadašnja muzička iskustva. Na albumu «Ispočetka» nalazi se punih šezdeset minuta muzike.

Najnoviji album Dine Merlina, pod nazivom “Ispočetka,” oficijelno će se pojaviti na američkom tržištu 18. juna. Uključujući dio karijere u kojem je bio alfa i omega grupe Merlin, najnovije izdanje predstavlja Dinin deseti album u bogatoj karijeri. Po prvi put, njegovim ljubiteljima će se priuštiti prilika da se i na američkom tržištu izda originalno, legalno izdanje u isto vrijeme kao i u Evropi. Ekskluzivni zastupnik i izdavač Novella LLC, će uz svoje distributerske partnere sredinom šestog mjeseca, plasirati album na prodajna mjesta širom SAD, a internet prodaja je već počela.

“Izuzetno mi je drago što će moja publika u Americi po prvi put imati priliku da dođe do mog originalnog CD-a i to u isto vrijeme kao i publika u Evropi,” izjavio je Dino Merlin. “To je novi zub na zupčanicu; to je novi korak kojim ćemo se svi skupa približiti civiliziranim standardima i svi će pod istim uvjetima moći slušati muziku koju vole.”

Dijana Groth, generalni menadžer firme Novella LLC, a ujedno i dugogodišnji menadžer Dine Merlina za Sjevernu Ameriku izjavljuje da je ovo jedan vrlo uzbudljiv projekat i dodaje: “Bitno nam je da priuštimo svim lju-



biteljima Dinine muzike jedinstvenu priliku da se počaste originalnim izdanjem u isto vrijeme kao i njegova publika širom Evrope. U proizvodnji koristimo nosače zvuka najviših standarda kvaliteta, a uz CD, uključen je i omot od čitavih 24 stranice. Također ćemo u suradnji sa nadležnim organima primijeniti pojačan nadzor i kontrolu tržišta, a prodajna cijena od \$13.99 će svakako biti pristupačna američkom tržištu. Želimo kupcima priuštiti ono što zaslužuju, a to je vrhunski kvalitet i profesionalizam od naše vrhunske zvijezde. Ne sumnjam da će nas vjerna publika podržati u ovom projektu i zajedno sa nama onemogućiti prodaju ilegalnih i nekvalitetnih primjeraka koji se ili štampaju privatno ili ilegalno stižu iz stranih zemalja. Kroz kupovinu originalnog proizvoda, također ćemo podržati i prava naše domovine.” Četiri godine nakon što je objavio “Burek”, Dino Merlin se predstavlja publici materijalom koji objedinjuje sva njegova dosadašnja muzička iskustva. Na albumu «Ispočetka» nalazi se punih šezdeset minuta muzike.

Trinaest numera koje autor potpisuje i ovaj put svjedoče o Dini Merlinu kao umjetniku neprekinutog kontinuiteta. On ostaje vjeran svom stilu vrhunski isproduciranog pop-a, ali nam istovremeno prezentira puno

novoga. Sam naziv albuma, uz likovni koncept naslovnice, sugeriraju da “Ispočetka” otvara novo poglavlje u karijeri ovog umjetnika, koji o tome kaže: “Uprkos stalnom kretanju i napredovanju, u simboličkom smislu pred nama je uvijek novi početak. Ono jučer nam je škola, a ovo danas dobra prilika”. Pjesme na albumu govore o životnim iskustvima u kojima mnogi mogu prepoznati sami sebe. Izdvajaju se tri bitne teme: brak, vjera i individualizam. Svjestan da javnost gaji velika očekivanja kada su njegovi albumi u pitanju, Merlin je dosljedan i u smislu angažmana suradnika, pa su na ovom projektu radili vrhunski instrumentalisti, studijski muzičari, aranžeri, producenti i dizajneri zvuka. Među brojnim suradnicima su: Vlado Džihan, Zvonimir Dusper, Tomo in der Mullen, Niksa Brato¹, Baby Dooks, Mahir Sarihodžić, Mahir Beat House, Dino Šukalo, Janez Krizaj, Edo i Vilko Zanki, Srđan Kurpjel, Enes Tvrtković, Đani Pervan, te pjevači koji se kao gosti pojavljuju na albumu: Hari Varesanović, Eldin Huseinbegović, Toni Cetinski i, nakon dvadeset godina ponovo, Vesna Zmijanac. Album je nastajao u raznim studijima, u osam zemalja.

Naslovnica CD-a odražava umjetnički proces, hrabrost da se u traganju za istinskim izražajem izbriše sve napisano, suoči sa praznim listom i krene ispočetka. Kompletno vizuelno rješenje albuma potpisuje kreativni tim agencije Communis - kreativni direktori Ajna i Anur, art director Nerina i DTP Tarik Zahirović. Vrhunska muzička produkcija realizirana je u studijima New Yorka, Londona, Beča, Stuttgarta, Ljubljane, Zagreba, Istanbula i, naravno, Sarajeva. Album Dine Merlina najbrže možete nabaviti direktno preko knjižare Novella u St. Louis-u, kroz prednarudžbu koju možete izvršiti već sada, putem e-maila (dijana@shopnovella.com), ili telefonskim pozivom na broj (314) 353-8331. Sve unaprijed plaćene narudžbe putem kreditne kartice, će biti isporučene isti dan pri izlasku albuma u sva područja SAD-a. Cijena od \$15.75 uključuje i poštarinu za sve države SAD.



U Zvorniku završena kulturno-vjerska manifestacija Dani Hasana Kaimije 2008.

DODIJELJENA POVELJA ZA ŽIVOTNO DJELO AKADEMIKU MUHAMEDU FILIPOVIĆU I NAGRADA ZA NAJBOLJU KNJIGU DŽEMALUDINU LATIĆU



Akademiku dr. Muhemdu Filipoviću dodijeljena je u subotu 6. juna na centralnoj svečanosti na staroj tvrđavi Kula Grad u Zvorniku Povelja za životno djelo „Hasan Kaimija“ u okviru kulturno-vjerske manifestacije Dani Hasana Kaimije koji su po šesti put održani u Zvorniku. Povelja je dodijeljena jednom od najistaknutijih promotora bošnjačkih i bosanskohercegovačkih vrijednosti, za njegov ukupan doprinos i zalaganje na naučnom, kulturnom, obrazovnom polju.

–Ova nagrada mi je najdraža od svih, jer sam je dobio na obalama Drine na granici Bosne – izjavio je, između ostalog, akademik dr. Muhamed Filipović nakon preuzimanja povelje.

Na završnoj svečanosti ovogodišnje, četverodnevne manifestacije, dodijeljena je i nagrada za najbolju knjigu iz oblasti književnosti

i znanosti autoru Džemaludinu Latiću za djelo „Kćeri svoga porobljenog naroda“. U užem izboru za ovu nagradu, pored Latićevog djela bile su knjige «Epika Avda Međedovića», Zlatana Čolakovića i «Izveštaji iz tamnog vilajeta», autora Dževada Karahasana. Žiri u sastavu Hadžem Hajdarević, Nijaz Alispahić i Sead Seljubac, odlučili su da prva nagrada pripadne Latićevom uratku.

Upravo sa natječajem za najbolju knjigu okončan i natječaj za najbolje literarne radove učenika osnovnih i srednjih škola. Najbolji rad za osnovce na temu «Sve je lahko kad te ljubav vodi» imao je Murat Muratović iz OŠ Turija, a drugo i treće mjesto zauzeli su Ismar Osmanović iz OŠ Prokošovići i Almerisa Bajraktarević iz OŠ Špionica.

Srednjoškolci su pisali rad na temu «Odgovori na sva pitanja nalaze se u našim srcima», a pobjed-

manifestacije.

Osim toga ovogodišnji susreti u Zvorniku poprimili su međunarodni karakter učešćem istaknutih književnika i kulturnih radnika iz Švedske i Crne Gore, što govori kako će naredni susreti biti još bogatiji, sadržajni i sve više postajati manifestacija koja doprinosi širenju pozitivne energije. Za sada se može reći da su sa sigurnošću najistaknutija i najbogatija kulturno-vjerska manifestacija u jednom povratničkom gradu u našoj zemlji.

Godine 2005. ustanovljena je Povelja za životno djelo i nagrada «Hasan Kaimija» za najbolje objavljeno djelo u prethodnoj godini iz oblasti književnosti i znanosti, a koje prvenstveno, uz najviše književno-estetske standarde afirmira duhovne i humanističke vrijednosti.

Dosadašnji dobitnici povelje Hasan Kaimija za životno djelo su Nijaz Alispahić za 2005., hzf. Abdulah ef. Budimlija za 2006., posthumno Hifzija



nik natječaja je Mirnesa Ahmetović iz MSS Sapna, drugo mjesto je Delila Delić iz gimnazije «Mustafa Kamarić» Gračanica, dok je treće mjesto osvojila Amela Hasanović iz MSS Sapna.

Kulturno-vjerska manifestacija Dani Hasana Kaimije održana je ove godine po šesti put, već tradicionalno početkom juna na području opštine Zvornik i Sapna. Redovito, manifestacija je obogaćena kulturnim i vjerskim sadržajima, a okuplja iz godine u godinu Bošnjake Zvornika i cijele Bosne i Hercegovine, koji na ovaj način uspravljaju i dokazuju svoju duhovnu ukorijenjenost na ovom prostoru. Načelnik Opštine Zvornik Zoran Srevanović je na otvaranju manifestacije izjavio kako je njegova želja da Kaimijini susreti traju vječno i da Bošnjaci vječno žive u Zvorniku, čime je dat snažan doprinos širenju tolerancije i dobrosusjedskih odnosa, što je jedan od primarnih ciljeva ove

ef. Suljkić za 2007. godinu. Kako je navedeno ove godine povelju će dobiti akademik Muhamed Filipović.

Za najbolju objavljenu knjigu do sada su nagrade dobili: Husein Hasković, Nedžad Ibrišimović i Isnam Taljić.



ORGANIZOVAN KOZARAČKI TEVHID

Tevhidu je prisustvovalo nekoliko stotina kako Kozarčana tako i Bošnjaka iz svih krajeva BiH. Ove godine Tevhid je održan u novoj, prelijepoj džamiji na Western ave, a predvodio ga je imam Bosansko-Islamskog Kulturnog Centra (BICC) Kemal ef. Karić.

Ove godine Tevhid je održan u novoj, prelijepoj džamiji na Western ave, a predvodio ga je imam Bosansko-Islamskog Kulturnog Centra (BICC) Kemal ef. Karić.

U organizaciji Udruženja Kozarčana iz Čikaga u subotu je, 24. maja 2008. godine, organizovan Kozarački Tevhid povodom 16. godišnjice napada i agresije na grad Kozarac sa okolnim mjestima. Bilo je dosta prijedloga da se Tevhid pomjeri makar za dan ili dva jer je u Čikagu ali i u Americi tog vikenda bilo veoma burno: u St. Loiusu (susjedna država) su se održavali Susreti Bošnjaka najveće i najmasovnije godišnje okupljanje Bošnjaka sa glasovitim imenima kod Bošnjaka. Ovaj put tu su bili predsjednik Haris Silajdžić i reis-ul-ulema Mustafa ef. Cerić i to su samo neki od uticajnih gostiju, a u Čikagu su Dubičani organizovali svoje tradicionalno okupljanje. Ipak Udruženje Kozarčana nije odustalo od namjere da se Tevhid održi kada je planirano.

Tevhidu je prisustvovalo nekoliko stotina kako Kozarčana tako i Bošnjaka iz svih krajeva BiH. Ove godine Tevhid je održan u novoj, prelijepoj džamiji na Western ave, a predvodio ga je imam Bosansko-Islamskog Kulturnog Centra (BICC) Kemal ef. Karić. Uvodnu riječ povodom okupljanja Bošnjaka imao je predsjednik Udruženja Kozarčana Muhamed Kulašić – Kule.

Započelo se sa učenjem Kur'ana a potom je hor ilahija BICC-ija proučio nekoliko ilahija i recitacija. Izveli su nekoliko dirljivih ilahija ali ipak najdirljivija ilahija je bila ona o Kozarcu tj. našoj Čaršiji.

*„Hej Čaršijo,
Prepuna si rana,
Još ti vrele suze,
S oka svima teku“*

Kao članice hora ilahija i kasida nastupile su Amra Džafić, Adela Kadirić, Naida Smajić, Fatima Vikalo, Djevana Habibović, Mirela Divović, Edina Alihodžić, Mirela Čaušević, Ajla Ramić, Merima Prijić i Ismira Dacić.

Najmlađi su nastupili sa nekoliko recitacija koje je pripremila naša Munira Fazlić, nastavnica Bosanskog jezika u BICC-iju. Recitacije su izveli Alena Haterić, Sara Elkasović, Ajla Ramić, Merima Prijić, Lejla Bešić i Kanita Alić. Prijedorčanin Hazim Hadžalić, odrecitovao je svoju dorađenu poemu o Kozarcu i domovini BiH.

Zatim je proučen tevhid te klanjan akšam namaz a potom se pristupilo u restoran džamije gdje su vrijedni Kozarčani pripremili razna jela. Kao i uvijek Kamber Catering tj. Kamber Hadžić je odradio fantastičan posao a naše hanume pripremile razna bosanska jela.

Sljedeće veliko okupljanje koje priprema Udruženje Kozarčana je Veliki Kozarčki Teferič (piknik) koji će se održati 5. jula ove godine u Čikagu.



Naglašeno je da se trebamo podsjećati i pričati o našim šehidima pojedinačno, naročito našoj djeci. Naveden je primjer objašnjavanja ovog dana djeci koja su rođena izvan BiH. Na pitanje djeci da li vole svoje nastavnike ovdje u Čikagu, kažu da vole, a da li vole svog vjeroučitelja i imama, ponovo potvrđan odgovor. Eh, tako smo i mi voljeli svoje nastavnike Sadetu i Bećira Medunjanina ali ih ubiše baš zato što su bili naši dobri nastavnici. Voljeli smo i svog imama Hamida Softića koji je bio tako aktivan u Kozarcu, pa i njega

ubiše. Ali djeco naša, nisu ih ubili rafalom nego je njihovo ubijanje i mučenje trajalo danima a takvu sudbinu doživješe mnogi i iz tog razloga se okuplja i okupljat ćemo se uvijek da ih nikada ne zaboravimo.

Iskoristili smo priliku i da kažemo nešto o novoosnovanoj stranci Nova Građanska Inicijativa – Kozarac. Uskoro sa Udruženjem Kozarčana planirano je osnivanje Mjesnog Odbora NGI-Kozarac u Čikagu sa Kozarčanima ali i Prijedorčanima i svim prijateljima ovog kraja BiH.



ČELIK INTERNATIONAL
KOBASA
4 DOK SPAVAM TEBE SANJAM SAMO TI SI U SRCU MOM SA TUBOM TVGA SA TUBOM SREĆA SA TUBOM ŽIVOT SVUJA PROŽIVJEĆI

VL. FAMILIJA HUSEINOVIĆ
4618 MORGANFORD RD.
SAINT LOUIS, MO 63116
314.752.1404

PITE - GRILL - KOLAČI - KAHVA - PIĆA

Brook Auto Insurance
BAJRAN RADONCIC
Agent/Owner
5737 N. Antioch Rd - Gladstone, MO 64119
Phone (816) 453-4971 - Fax (816) 453-5790
Cell (816) 935-4899
byron.radoncic@brookeagent.com
www.BrookeAgency.com/ByronRadoncic

Bolero Café
Uma Allickovic
Owner
Hours: Mon.-Sun.
7:00 a.m. to 9:00 p.m.
Closed on Tuesdays
4718 Gravois Ave.
St. Louis, MO 63116
314-353-3620

Burek • Sirnica • Kebab
Gulaš • Razni Kolači

Fine Line Improvements

POMOĆI ĆE VAM DA DOBIJETE KREDIT KOJI ŽELITE

Nudimo programe pozajmljivanja koji odgovaraju vašim potrebama im pomoću kojih ćete vrlo brzo doći do novca koji vam je potreban.

DA BISTE DOBILI KREDIT NEOPHODNO JE:

- Najmanje 2 godine privatnom biznisu
- Kredit rezultat od 680 i više
- Najmanje tri registrovane transakcije u Vašoj kreditnoj istoriji u periodu od dvije godine
- Da nikada niste bankrotirali ili da nikada nije došlo do zaplene vaše imovine
- Dug više od \$1.000



POBOLJŠANJE KREDITNE ISTORIJE:

- Povećanje poena
- Uklanjanje negativnih stavki
- Dodavanje kreditnih linija

Obratite nam se slobodno u vezi finansiranja vašeg privatnog biznisa ili poboljšanja kreditne istorije.

Pošaljite nam e-mail na info@finelineimprovements.com ili nas pozovite na 773-944-9799



Ako želite da kupite ili prodate vašu kuću, za Vas je najbolji izbor:



Claus Schlaefli

314-503-6611

www.WhySTL.com



Garantovana satisfakcija!

Pažnja kupci!!!
Izbjegnite greške kod kupovine kuće i uštedite hiljade dolara

Nazovite za besplatan savjet:
1-888-876-2997 #1019

Your Home SOLD in under 120 Days
or I Buy it for Cash

Ako još niste izabrali agenta,
onda je Claus pravo rješenje
Nazovite odmah: 314-503-6611

URGENT CARE

St. Anthony's
Medical Center

U slučaju hitne pomoći, možete nam se obratiti i bez ugovorenog termina dobiti zdravstvenu uslugu

Lemay – 314-543-5294

Arnold – 636-717-6700

Fenton – 636-326-6100



Naši doktori su spremni da vas prime na pregled tokom cijele sedmice, i pruže njegu npr. kod bolova grla, posjekotina, kožne alergije, zglobnih iščašenja, povreda oka, upala uha, ujeda insekata...

Official Bosnian Business Directory
www.bosnianyellowpages.us



Besplatan upis kompanije
List Your Company
for free

BOSNIAN YELLOW PAGES
BOSANSKI POSLOVNI IMENIK

Robna kuća
Marketplace

BiH štampa i TV
News and TVs

Muzika, moda,
YouTube, MySpace

Reklamirajte Vašu kompaniju u bosanskom poslovnom imeniku
Get published nationwide... **Bosnian Yellow Pages**

1-866-985-2825

Dijaspora bošnjačka Besplatan primjerak i broja

DALI ĆE BOSNA I HERCEGOVINA SLATI VOJNIKE U IRAK???

KRVAVI RASPLET DOGAĐAJA U IRAKU PRIMORAT ĆE PREDSEDNIŠTVO BIH DA PREISPITA ODLUKU O SLANJU NAŠIH VOJNIKA U OVU ZEMLJU

Kongres Bošnjaka Sjeverne Amerike 28. maja u Detroitu

DONATORSKA VEČERA U ST. LOUISU: Za jednu noć prikupljeno 45.000 dolara

KO NIJE VIDIO SREBRENICU NIJE VIDIO BOSNU

SC DRINA DOSPJELA NA TRON

Potvrđeno jedinstvo muslimana U Hamiltonu skupljen novac za izgradnju džamije

SFOR OKONČAO PROVJERU GENERALA

SPISKOMI RATNIH ZLOČINACA IZ SREBRENICE JOŠ UVIJEK SE KRIJU OD JAVNOSTI

Dijaspora bošnjačka

U Potocarima kod Srebrenice 11. jula bit će ukopano još 1.000 identifikovanih tijela

SREBRENICA deset godina poslije

ZLOČINCI NA SLOBODI SREBRENIČKE ŽRTVE U STRAHU ILI U MASOVNIM GROBNICAMA

ŠKORPIONI PRED KAMERAMA STRIJELJALI SREBRENIČANE

Dijaspora bošnjačka

BAJRA LUGI BILO ZAPRIJEČENO GAŠENIEM REPUBLIKE SRPSKE AKO NE PRIHVATI REFORMU POLICIJE

BOSNU I HERCEGOVINU ČUVAT ĆE 10.000 VOJNIKA

UNIJEŠTO DAYTONSKOG-USTAVI IZ 1991. GODINE

ULENA BIRALA IZMEĐU MUSTAFE CERIĆA I EMEŠA KARIĆA

SRBI LAGALI DA NISU BILI U VOJSCI

RAMAZAN MUBAREK OLSUN

USTAVNE PROMJENE

Dijaspora bošnjačka

ZLOČINI U ZVORNIKU PLANIRANI U DRŽAVNOJ BEZBJEDNOSTI SRBIJE

SEFER HALILOVIĆ NIJE ČINIO ZLOČINE!!!

ARKAN JE ČASNO OBAVIO ETNIČKOG ČIŠĆENJA ZVORNIKA!!!

IZADITE NA KAMP DSK E IZBORE

SRETNU I BERIČETNU NOVU GODINU SVIM ČITAOČIMA ŽELI REDAKCIJA BOŠNJAČKE DIJASPORE

Čitateljima čestitamo izlazak 50. broja lista Bošnjačka dijaspora i zahvaljujemo na podršci

Redakcija

Dijaspora bošnjačka

HVALA BOSNO.

PAKISTAN TI OVO NIKADA NEĆE ZABORAVITI

KAPETAN DRAGAN ĆE ODGOVARATI I ZA ZLOČINE U ZVORNIKU I BIJELINI?!

MUSLIMANI BIH KLANJALI BAJRAM-NAMAZ U VIŠE OD 1.500 DŽAMUA

BAJRAM-NAMAZ U VIŠE OD 1.500 DŽAMUA

SCHILLING UMJESTO ASHDOWNA

DOGOVORI ILI AMERIČKO ZAVRTANJE RUKU

BAJRAM ŠERIF MUBAREK OLSUN

Dijaspora bošnjačka

UMJESTO RATA IZLAZAK NA EVROPSKI PUT

Prijedor neće biti zaboravljen

Zaborav je kao prokletstvo

Budućnost mladih iz BiH je međusobno povezivanje i djelovanje

Bajram šerif mubarek olsun

Sretna i beričetna Nova 2008.

Dijaspora bošnjačka

KOSOVO NEZAVISNO - REPUBLIKA SRPSKA U SRBIJI

RAZLAZ VODEĆIH BOŠNJAČKIH POLITIČARA

IDENTIFIKOVANO JOŠ 107 ŽRTAVA GENOCIDA

ROK 15. FEBRUAR

DANI BH FILMA U AMERICI!

Dijaspora bošnjačka

WELCOME TO SAINT LOUIS

DA LI ĆEMO IZGUBITI I SREBRENICU I EVROPU

MAACO

DA VAŠE AUTO BUDE OPET KAO NOVO POBRINUĆE SE 24/7


MIRSO SELIMOVIC

PODRŠKA BH DIJASPORI U AMERICI

NAJLJEPŠA ELMA AGIĆ

314-776-5955

314-973-8075



Piše Mirzet Hamzić

HAG U NIRNBERG

Kada se našao na sudu u Njimeburgu nacista Klaus Barbi, poznatiji kao «tirolski kasapin» rekao je: «Gospodo, ja sam ovdje jer je Njemačka izgubila rat».

Pravda, od završetka Drugog svjetskog rata, nije prestajala stizati one koji su u tom vremenu bili uzrokom najvećih zlodjela novije ljudske historije. Činjenica da zločinci nisu ostali na miru, bilo gdje u svijetu da su se pokušali skloniti, mogla je vječni mir žrtava učiniti potpunim.

Kada je pedeset godina poslije Njimeburga osnovan sud u Hagu s namjerom da procesura osumnjičene za ratne zločine počinjenje u Bosni i Hercegovini i prostorima bivše Jugoslavije, žrtve zločina su se ponadale da je došlo vrijeme kada će dobiti punu satisfakciju. Vjerovalo se u snagu međunarodne zajednice i pravednost suda. Niko nije ni slutio da će gospodari rata više od deset godina praviti karikaturu od svjetskih supersila.

Ako je neko i znao da pojam međunarodna zajednica ne znači u isto vrijeme i jedinstvenost u svakom pogledu malo je ko slutio da će žrtva doživjeti poniženje.

Posljednji događaji kulminacija su nečega što lagano

počinje ličiti na farsu. Naime, odlaskom prvog čovjeka Armije Republike Bosne i Hercegovine, Rasima Delića, u Hag čaša žuči ispunjena je do vrha. Podsjećamo da su tamo već ranije odvedeni komandant odbrane Srebrenice, Naser Orić i general koji je u namogućim uslovima izveo jedinice ARBiH na Vlašić i donio nadu, rahmetli Mehmed Alagić.

Ima li se u vidu da su, toliko puta pominjani Karadžić i Mladić, još na slobodi i nastavljaju koketiranje sa svijetom, onda to neminovno rađa pitanje - čemu Hag.

Mračna nagađanja da je osnovan s namjerom kako bi se potvrdila prestava o istoj ulozi svih u agresiji na Bosnu i Hercegovinu prestaju biti nagađanja.

Čovjeku ostaje da se sa sjetom prisjeća Njimeburga. I da ozbiljno shvati kasapina Barbija.

Njimeburg nas uči da su priče o ponavljanju historije proizvod jeftine konstrukcije i lijenosti ljudskog duha. Hag je potvrda toga. Imao je priliku da efikasno proizvede nekoliko katarzičnih efekata. Prvi, da se pokuša skinuti kolektivna krivica s jednog naroda, drugi, da žrtva odagna osjećaj uzaludnosti žrtvovanja, treća, svako zlo bit će kažnjeno...

Ali to današnjem

svijetu ne treba. Jasno je da se promoviraju novi zakoni koji nisu u skladu sa elementarnim poimanjem pravde. Želi se kazati da će se se pravde dobiti onoliko koliko se ima snage. Jači mogu promovirati i krajnje zlo kao pravdu i primorati slabijeg da u to vjeruje. Ili bar to mirno podnosi i demonstrira kooperativnost. Inače...

Oni koji nisu htjeli mimo podmetnuti glavu po krvnički nož danas odgovaraju na pitanja zašto su uzimali hranu dok su umirali od gladi. Zašto nisu onoga koji ih je ubijao u sopstvenim zatvorima ugostili kao najdražeg gosta.

Vraćamo se frazi da nije žalosno bilo bi smiješno.

Stoga, u takvom svijetu ne vrijedi lamentirati. Ničiji vapaj, uzdah, neće se čuti, suze niko neće primjetiti makar i silazile niz lica djece koja ne pamte roditelje, majki sretnih što napokon crnoj zemlji mogu vratiti kosti svojih sinova.

To su loše naučene lekcije o tome kako među ljudima postoji solidarnost i kako je pravda dostižna. Činjenica je da postoje jači i slabiji. I sve, ama baš sve je onako kako kaže jači.

Delić je u Hag odveden uoči Dana nezavisnosti BiH. Oriću su svjedoci oni koji su

ubijali srebreničku djecu, Alagić je pod crnom zemljom.

Hag.

Žrtva je pristala na poniženje koje se pokušava prevesti riječju kooperativnost. A upravo kao da su je željeli navesti na odustajanje od saradnje. Šta da se reklo: «Ne damo Orića!» Nema sumnje da bi smo tek tada spoznali kako je tzv. međunarodna zajednica efikasna.

U redu poteza koji se povlače a dozvoljavaju kreatorima zla da se šetkaju po stratištima koja su prouzrokovali, ne bi se smjeli začuditi ako se se, za neko vrijeme, kao glavni zločinac na Baklanu označio onaj koji zaustavljao ubijanje, gradio porušeno, gasio zapaljeno. Jer, ko zna, možda ćemo za neko vrijeme čitati spise gdje su davane direktive. ubij, poruši, zapali...

Vraćamo se naslovu s nadom da u svojoj nemoći nećemo podsjećati one koji su osnovali Hag da im je mjesto u Njimeburgu.

Delić je u Hag odveden uoči Dana nezavisnosti BiH. Oriću su svjedoci oni koji su ubijali srebreničku djecu, Alagić je pod crnom zemljom. Hag. Žrtva je pristala na poniženje koje se pokušava prevesti riječju kooperativnost. A upravo kao da su je željeli navesti na odustajanje od saradnje. Šta da se reklo: «Ne damo Orića!» Nema sumnje da bi smo tek tada spoznali kako je tzv. međunarodna zajednica efikasna.

HERBS • VITAMINS • NATURAL COSMETICS
WEIGHT MANAGEMENT • STOP SMOKING

NONI JUICE NATURAL HERBAL LIFE
PRO Vital
STORE

Indira Habibovic - Independent Distributor

Tel./Fax: (773) 271-3067 / 841 3384010
5250 N. Lincoln Ave. • Chicago IL 60625



EBI Exclusive BanCorp Inc.

"Your Financial Path Home"

4433 W. Touhy Ave.
Suite 402
Lincolnwood, IL 60712
Office: 847.676.5000
Cell: 773.370.9903
Fax: 847.676.5483

Bahrija Imamovic
Mortgage Consultant
bahrija@exclusivebancorp.com

www.exclusivebancorp.com
www.exclusivebancorp.com
www.exclusivebancorp.com

An Illinois Residential Mortgage Licensee

**Own A
Larger Home**

because...

I'll buy your present
one for CASH!

Free Report Available
Free recorded message
1-888-876-2997, ID 3045

Još nije kasno da pomognete svojoj Domovini!

**REGISTRUJTE SE!
GLASAJTE!**

www.izbori.ba

BESPLATNI bosanski kanali!

Sada Vama dostupni jer WorldTV Broadband omogućava pracenje istih.

Sada dostupni u Kanadi!



Uživajte u vijestima, muzici i zabavnom programu koristeći Vas Internet priključak.

Sve što vam je potrebno je set-top uređaj i brzi Internet!

WorldTV Broadband vam omogućava pracenje 5 izvanrednih kanala za samo \$22.99 mjesečno:

BN Bosnia TV, BN Bosnia Radio, BosTel, BosTel Radio i NTV Hayat



Potreban vam je Internet priključak brzine 1.5MB.

Pretplatite se danas i dobijte BESPLATAN mjesec pracenja navedenih kanala! Nazovite 1.877.777.0928 i pozovite se na promotivnu sifru WBBM1.

Ponuda važi do 7/31/2008 god. Navedena usluga odnosi se samo na Kanadu. Dostava, manipulativni troškovi i odgovarajuće takse nisu uključeni u cijenu uređaja. Neke restrikcije se mogu primijeniti.

Za vasu domovinu pozovite nas na telefon:
1.877.777.0928

Vasa Domovina. Vasa TV.



WorldTV Broadband
Set-top uređaj
\$125.00 USD



Mikrovalna pećnica za informaciju o masovnoj grobnici

MORBIDNA ZLOČINAČKA TRGOVINA

Da otkrije lokaciju masovne grobnice, čovjek je preko posrednika tražio 30.000 KM. U nastojanju da saznaju gdje se nalaze posmrtni ostaci ubijenih 1992. godine, napravili su dogovor sa drugim čovjekom koji je za 400 KM i mikrovalnu pećnicu pokazao lokaciju grobnice

Traženje nestalih u Bosni i Hercegovini mukotrpan je i skup posao koji će trajati narednih desetljeća. Jedan od najvećih problema je otkrivanje lokacija masovnih grobnica. A to je, opet, u direktnoj vezi sa odgovornima za ratne zločine koji su još na slobodi.

Zbog toga je u našoj zemlji aktualna klasična trgovina informacijama o lokacijama masovnih grobnica.

Poznati počinitelji

-Da nam otkrije lokaciju masovne grobnice, čovjek je, preko posrednika, tražio 30.000 KM. U nastojanju da saznamo gdje se nalaze posmrtni ostaci ubijenih 1992. godine iz našeg sela, napravili smo dogovor sa drugim čovjekom koji je za 400 KM i mikrovalnu pećnicu otkrio gdje su tijela pokopana, rekao nam je sagovornik koji nije želio da mu pominjemo ime. Ekshumirana su na tom lokalitetu tijela oko osamdeset ubijenih, ali još nisu našli lokaciju na kojoj su ukopani posmrtni ostaci u kojima se nalaze dijelovi tijela iz primarne grobnice. Poznati izvršioци, za koje postoje svjedoci, pobili su samo iz jedne porodice tridesetak najbližih srodnika, cijele porodice, žene i djecu i zakopali ih na tom mjestu. Za ovaj zločin niko nije odgovarao.

Članovi porodica najčešće dolaze direktno u vezu sa svojim komšijama u potrazi za lokacijama masovnih grobnica. Nude novac i druge protivusluge, i na snazi je klasična morbidna trgovina.

Kuća za grobnicu

Za lokaciju masovne grobnice Gorice u Brčkom, plaćena je informacija 22.000 KM. Na području Zvornika, čovjek koji je znao lokaciju na kojoj su zakopana tijela bošnjačkih civilnih žrtava iz 1992. godine tražio je paket građevinskog materijala za izgradnju porodične kuće.

Najčešće se novac za ove informacije prikuplja u užem krugu članova porodica, koji traže pomoć iz dijaspore. Novac se prikuplja javno, a predaje iz ruke u ruku i bez traga. Bitna je informacija. I sve se radi mimo institucija. Upoznati sa svim detaljima u institucijama ne žele o ovome govoriti. Obrazloženje je kako je najbitnije da se nađu lokacije, ekshumiraju žrtve i njihove porodice konačno saznaju istinu poslije godina mučne neizvjesnosti.

-Pokušali smo u Zakon o nestalim osobama uvrstiti odredbu da svi pojedinci koji imaju informacije o lokacijama masovnih grobnica to saopšte nadležnim istražnim organima, te da se propišu kazne za one koji to ne učine. Međutim, predstavnici iz reda srpskog naroda su bili protiv uz opravdanje kako postoje institucije koje se bave tim pitanjem, kaže Ahmet Grahić, predsjednik Saveza udruženja porodica nestalih Bošnjaka BiH.

Noćni tragači

Prilikom otkrivanja jedne od najvećih masovnih grobnica ekshumiranih u BiH, na prijevoju Crni vrh kod Zvornika, čovjek koji je bio angažovan na preseljenju posmrtnih ostataka pristao je da pokaže lokaciju, ali iza pola noći. Na mjesto na kome se u šumi, na miniranom terenu nalazi grobnica, bacio je predmet iz neoznačenog automobila i produžio

dalje. Eksperti su na tom mjestu otkrili 628 posmrtnih ostataka preseljenih iz primarne grobnice u Gornjim Grbavcima kod Zvornika.

-Zločinci na slobodi, koji znaju lokacije masovnih grobnica, najveća su prepreka procesu traženja nestalih. Prijetnjama i zastrašivanjem sprječavaju dobre ljude koji bi mogli dati validne informacije, ali iz straha to izbjegavaju. Zato je ovaj posao mukotrpan i trajat će mnogo duže nego što bi to trebalo jer su odgovorni za formiranje masovnih grobnica na slobodi, kaže Ahmet Grahić.

Masovne zločine u toku rata počinile su grupe i pojedinci, od kojih je većina na slobodi. Da bi prikriili svoja zlodjela, po završetku rata, do polovine 2006. godine najveći broj masovnih grobnica je sistematski i organizirano dislociran. U taj proces je bio uključen uži krug pogodnih i podobnih sljedbenika Karadžićeve ideje. Satelitskim praćenjem, međunarodne obavještajne službe su otkrile lokacije mnogih grobnica, a haški istražitelji izvršili njihovo ekshumiranje. Na taj način je 1996. godine otkriven najveći broj masovnih grobnica u kojima su nađeni posmrtni ostaci žrtava Srebrenice. Za velikim brojem žrtava sa početka rata, iz 1992. i 1993. godine i danas se mukotrpano traga.

Konci u rukama zločinaca

Odgovorni za masovna ubijanja i prikrivanje počinjenih najtežih zločina danas su, umjesto u zatvorima, postali trgovci informacijama što je, očito, postao unosan biznis. Od njega najveću korist imaju upravo najodgovorniji zločinci, a ponovo na štetu žrtava rata i njihovih preživjelih članova porodica!? Bez materijalnih dokaza, odnosno tijela žrtava ratnih zločina, nema adekvatnog procesa dokazivanja počinjenog zločina, niti procesuiranja odgovornih za zločine. I zbog toga su oni koji imaju informacije danas na slobodi i prijetnjama i zastrašivanjima sprječavaju druge da odaju njihove tajne. U tom kolopletu porodice žrtava ratnih zločina trpe najveću štetu, a nadležne institucije, i tako zatrpene predmetima, ne mogu odgovoriti svojim zadacima, pa se proces traženja nalazi u svojevrsnoj blokadi upravo počinilaca zločina, koji i danas, deceniju i po poslije, drže sve konce u svojim rukama.

Presudni dokazi

Porodice žrtava moraju imati dokaze gdje je i na kojem mjestu ubijen, sahranjen, ekshumiran i pokopan njihov član porodice. Bez toga ne ostvaruju sva prava koja im pripadaju i zato pribjegavaju svim mogućim sredstvima kako bi saznali istinu. U tome im institucije ne pomažu dovoljno, osim što prešutno odobravaju morbidnu trgovinu sa zločincima. Očito je da su takve informacije važnije od procedura i zakona i način na koji se dolazi do njih opravdava sredstva, a o izvorima takvih informacija niko zvanično ne želi govoriti.

Vikendica na grobnici

Lokacije masovnih grobnica otkrivaju se i slučajno. U Snagovu kod Zvornika povratnik je počeo kopati temelje za vikendicu kada je otkopao dijelove skel-ete. Ekshumirano je stotinjak posmrtnih ostataka.



Piše: **Mirzet Hamzić**
hamzicm@gmail.com

Kako naši političari reaguju dok iz Republike Srpske dolaze prijetnje da će BiH nestati, a iz Dijaspore naši ljudi koji uništavaju jagnjeći fond u Domovini

ZEMLJA OGRANIČENOG TRAJANJA

Vrijeme ljetnih mjeseci period je kada po bosanskim stazama i bogazima šparta veliki broj auta stranih registracija. Gotovo da nema države zapadne hemisfere a da registracije njihovih gradova nisu prisutne u Bosni i Hercegovini. Još uvijek Bosanci i Hercegovci traže mrvicu zadovoljstva koju skupo plaćaju da bi bili baš ovdje. Njihovi potomci vjerovatno imaju drugačije ideje i teško da će postupati kao njihovi roditelji. Ali, to je priča za sebe.

Bura oko spomenika srpskim artiljerima koji su četiri godine terorizirali Sarajlije još se nije stišala kada smo bili šokirani novim obilježjem srpskim junacima. Naime, 30. maja je za 17 "osloboditelja" Prijedora otkriven spomenik. U gradu koji je okruženim logorima nezapamćenim od Mathauzena i Aušvica podignut je spomenik onima koji nisu stigli sprovesti zvjerstva, koja Evropa druge polovine dvadesetog stoljeća nije pamtila. Ko će znati objasniti djeci čiji su roditelji izbjegli spisku kamu, šta znači ta oblikovana masa bosanskog kamena. Ko će im znati kazati kako su tu imena onih koji su se međusobno ubijali u pljački bošnjačkih kuća, radnji i drugog teško sticanog blaga. Jer, poznato je kako je Prijedor sa preko 4.000 ubijenih Bošnjaka u sa-

mom vrhu gradova po broju nedužno stradali. To su činjenice koje možemo pročitati u svakom pregledu ubijenih u Bosni i Hercegovini u periodu 1992-1995. godina.

Ali vrhunski falsifikatori historije nikad nisu obraćali pažnju na činjenice. Isti dan Žalbeno veće Tribunala potvrdilo je presudu «Pretresnog veća» iz novembra 2001. godine kojom su Dragoljub Prcać, Miroslav Kvočka, Mlado Radić i Zoran Žigic proglašeni krivim za zločine počinjene u prijedorskim logorima Omarska, Keraterm i Trnopolje u leto 1992. godine i osuđeni: Kvočka na 7, Radić na 20, Žigic na 25 i Prcać na pet godina zatvora.

Poznato je da 10 puta ponovljena laž postaje istina. Kako sa onima koji konstantno i nebrojeno puta ponavljaju laž. No, ne mislimo da je to

nešto novo. Već više od šest vijekova prisutan je taj mehanizam (tačnije od Vidovdana 1389. godine). No, činilo nam se da je nemoguće da neko ko

počini genocid pred kamerama svih svjetskih medija i da iza toga umjesto oreola srama i primjerene kazne nabacuje, pred istim tim kamerama, ogrtač žrtve. Uz to, predsjednik Vlade Republike Srpske Milorad Dodik na Skupštini Srpskog nacionalnog vijeća u Zagrebu izjavi kako su Srbi veliki stradalnici ratova koje su povelili i u kojima su pobili na stotine hiljada i raselili milione ljudi, i da on, paćenik živi u državi koja mu je nametnuta i kako će učiniti sve da je ne bude.

Kako je moguće da Miroslav Lajčak, dobro plaćeni upravitelj Bosne, na sve to šuti. Odgovore možemo nagađati: ista Evropa odlučila je da Bosne i Hercegovine nema i da je ušla u fazu svog nestanka ili je dio miliona koje je traktorista iz Laktaša potrošio na gradnju Potemkinovih sela završio kod brata Slovača. Jer njegovo nemušto istupanje kako treba raditi na ovome ili onome liči na ponašanje dječaka zatečenog u krađi bombona u nekoj prodavnici sa periferije.

A Mile je trenutno jedini Srbin prihvaćen od svih Srba. I onih u Hrvatskoj i onih u Srbiji. Za bosanske Srbe ne znamo jer ako je suditi po medijima koji egzistiraju u RS-u Mile i nije čovjek. On je sam anđeo koji je sišao sa neba da usreći ovaj "napaćeni, vjekovima ugnjetavan narod."

No, znamo jednog takvog, pošto su

ga skoro iz zatvora prenijeli u grob, ali njegova zaostavština je tako snažna. Na ruševinama jedne lijepo države njegov duh i lik ponovo vaskrsavaju javljajući se u najrazličitijim likovima. Od onih kojima je sa jezika sišao na srce pa govore o nekakvoj, samo njima znanjoj, Evropi do onih koji otvoreno govore da i dalje sanjaju nedosanjani san Karlobag - Karlovac - Ogulin - Virovitica.

Hoće li tako biti i u Bosni i Hercegovini. Kad ne bude Mile iz Laktaša hoće li se umnožiti kroz razne Mihaljice i Bosiče. Hoće li prijedorski dječak čiji je otac svirepo ubijen u Keratermu i kojeg je majka u naručju i očaju iznijela iz Prijedora stajati ispred spomenika podignutog ubicama njegovog oca.

Kada bude pitao šta su u isto vrijeme radili neubijeni sunarodnjaci njegovog oca. Kakav će ga dodatni osjećaj obuzeti kada dobije odgovor da su se borili za mrvicu nedođenog kolača zvanog Bosna i Hercegovina. Da su se ubjeđivali hoće li njihov stranački kolega uzimati ostatke kostiju ubijenih, pretočene u konvertibilne marke s kojima su njihova djeca plaćala skupe školarine po univerzitetima svijeta.

Do tada provozajmo još poneki krug po, još uvijek, bosanskim stazama i bogazima, oduzmimo svijest uvezenim pićima, napravimo poneku fotografiju stranim fotoaparatom i zaplavljajmo još uvijek čistim rijekama uz pečenje uvezenih zaraženih ovaca. To danas možemo jer sutra ko zna. U svijetu koji nam je namijenjen, od današnjeg jedino je gori sutrašnji dan.

Web magazin Bošnjaci.Net raspisuje Četvrti internacionalni natječaj za Književnu nagradu "Srebrenica", na temu:

BOŠNJAKINJA

«Naše aktivnosti širom svijeta potvrđuju da življenje van matične domovine Bosne i Hercegovine, samo po sebi, nije zla sudbina, nesreća ili ugroženost. Mi smo odavno svjesni da zaborav, a ne daljina, znači rastanak sa rodnim krajem.

Iskušenja je mnogo. Naša realnost su dijaspora i ranjeno bošnjačko biće. Sve češće čujemo riječi: Ovdje je dobro, a tamo je lijepo. Vezivanje u zajedničko MI, moramo da se uzdizemo na znanju o sebi.

Pisanje je prkos zaboravu.

Natječaj na temu BOŠNJAKINJA darujemo majkama, nanama, nenama, sestrama, suprugama, kćerkama, čuvarima naše suštine, stubovima porodice i graditeljima nacije!

Natječaj na temu BOŠNJAKINJA darujemo svim Bošnjakinjama od najranijih do današnjih dana!»

Natječaj je otvoren od 13. aprila do 30. juna 2008. godine. Rezultati natječaja bit će objavljeni na web magazinu BOŠNJACI.net 11. jula - na Dan genocida.

Priče ne mogu biti duže od pet kartica/stranica.

Prva priča bit će nagrađena sa plaketom Književna nagrada "Srebrenica", druga i treća sa diplomama i novčano:

Prva nagrada - 1.000 KM,
Druga nagrada - 600 KM,
Treća nagrada - 400 KM.

Priče treba slati elektronski (unošenje priče u obrazac posebno obilježen na BOŠNJACI.net), a kome to predstavlja problem - priče mogu poslati na e-mail adrese: natjecaj@bosnjaci.net ili redakcija@bosnjaci.net

Svi koji želi sudjelovati na natječaju trebaju tačno upisati ime, prezime, adresu (telefon obavezan) i kraće biografske podatke.

Priče koje budete slali na natječaj ne smije biti prije objavljivanje i publiciranje. Web magazin BOŠNJACI.net zadržava pravo na objavljivanje i publiciranje svih pristiglih priča koje zadovolje kriterije žiriranja.

Na natječaju nemaju pravo sudjelovati članovi žirija, Redakcije BOŠNJACI.net te članovi njihovih porodica.

Za sve informacije možete se obratiti na e-mail adrese: natjecaj@bosnjaci.net ili redakcija@bosnjaci.net



HODZ FINANCIAL GROUP, INC.

Equal Housing Lender * An Illinois Mortgage License

3500 W Peterson Suite 400

Chicago IL 60659

773-866-0556

Radimo mortgage i sve vrste finansiranja

Bahrija Imamovic
Senior Loan Officer

Jusuf Hodzic
President

773-866-0558 office
773-370-9903 cell. ph.

773-866-0559 office
773-744-7825 cell. ph.

hodzfgbahrija@sbcglobal.net

hodzfgjusuf@sbcglobal.net

**97% finansiranja za kvalifikovane pozajmljivače
prilikom kupovine stana ili kuće**

**Zapošljavamo loan officers
(sa ili bez iskustva)**

**Svuda pođi...
...Kući dođi!**
www.hodzloans.com

AUBIH na 13. susretu Bošnjaka Sjeverne Amerike

Piše: Sabiha Rekić

OBRAZOVNA SPONA IZMEĐU DIJASPORE I DOMOVINE



Jasmina Azabagić i Denis Prčić

Nedavno su predstavnici Američkog univerziteta u Bosni i Hercegovini gosp. Denis Prčić, predsjednik Upravnog odbora i Jasmina Azabagić, akademska menadžerica, boravili u St. Louisu, gradu u saveznoj američkoj državi Missouri.

Povod tome bio je učešće na tradicionalnom trinaestom susretu Bošnjaka Sjeverne Amerike. Podršku susretu obezbijedili su Bošnjaci iz svih krajeva Amerike, Kanade, Bosne i Hercegovine, Turske, te ostalih dijelova Europe. U St. Louis-u su u vrijeme susreta boravili duhovni, intelektualni, socijalno-politički aktivni Bošnjaci, s namjerom da svojim prisustvom daju lični doprinos u razmjeni mišljenja i aktivnom razvoju bošnjačke državne, političke, kulturne i tradicionalne misli.

Prvi radni dan Kongresa, bio je namijenjen prezentacijama obrazovnih i lobističkih institucija, u okviru čega je, prezentaciju o Američkom univerzitetu u BiH, upriličio gosp. Denis Prčić, predsjednik Upravnog odbora. Ovom je prilikom prisutnima predloženo strateško, prostorno i sadržajno širenje

Otvorena je mogućnost da se omladina vrati iz Sjedinjenih Američkih Država u svoju domovinu, kako bi se školovala. Na ovaj jedinstven način učvrstile bi se veze između dijaspore i Bosne i Hercegovine, s obzirom na to da AUBIH u Bosni i Hercegovini obezbjeđuje američki sistem obrazovanja.

AUBIH.

Gosp. Prčić naglasio je da strategiju širenja AUBIH temelji na analizama evidentiranih društveno političkih potreba u Bosni i Hercegovini, ali i potreba koje su uočene u procesu eurointergracija, odnosno, parafiranju Sporazuma o pridruživanju Evropskoj uniji. Istaknuta je važnost i značaj potrebe ulaganja dijaspore u bosanskohercegovačko obrazovanje. Otvorena je mogućnost da se omladina vrati iz Sjedinjenih Američkih Država u svoju domovinu, kako bi se školovala. Na ovaj jedinstven način učvrstile bi se veze između dijaspore i Bosne i Hercegovine, s obzirom na to da AUBIH u Bosni i Hercegovini obezbjeđuje američki sistem obrazovanja. Profesori su stručnjaci iz Amerike koji realizuju akademske programe kompatibilne Univerzitetima u Sjedinjenim Američkim Državama i istovremeno usklađene sa Bolonjskim procesom. Dakle, uslovi obrazovanja apsolutno su identični, samo što mladi ljudi sada imaju priliku živjeti i obrazovati se u domovini, nakon čega svoja znanja mogu primjenjivati bilo gdje



Haris Silajdžić i Jasmina Azabagić

u svijetu. Tokom školovanja bit će im pružena i prilika da svoje mjesto nađu u domovini. Fakulteti u okviru AUBIH fokusirani su na produkciju eksperata iz oblasti međunarodnih finansija i bankarstva, digitalne ekonomije i informacionih tehnologija, te međunarodnog prava i diplomatije.

Zanimljivu prezentaciju održali su i mladi iz Hartforda, koji su prisutnima prezentirali fondaciju "Mojoj Domovini", čiji cilj jeste edukacija mladih u Bosni i Hercegovini.

Važno je također, istaći da je u okviru Kongresa, u svečanoj sali Promenada u hotelu "Riverfront Hyatt St. Louis" priređena Kongresna gala večera na kojoj je prisustvovalo oko hiljadu ljudi.

Uz večeru i svečani program prisutnima su se obratili specijalni gosti 13. Susreta Bošnjaka, dr. Haris Silajdžić, predsjedavajući Predsjedništva BiH i dr. Mustafa Cerić, reisu-l-ulema, te Francis Slay, gradonačelnik St. Louisa i dr. Bisera Turković, ambasador BiH u Washingtonu. U ime organizatora prisutnima su se obratili domaćini mr. Muhamed Hasić, imam u Islamskom centru i Murat Muratović, predsjednik Organizacionog odbora 13. Susrete Bošnjaka.



Gala večera u hotelu "Riverfront Hyatt St. Louis"

A & A TRANSMISSION & General Auto Repair

Transmission Specialist
Engine Repair & Service
Brake Service
Electrical Maintenance
Tune-ups & More...



6900 Morganford Rd St. Louis MO 63116
TAN - TRUONG (314) 678 2480

Imate li problema sa vašom transmisijom???
Ne plaćajte preskupo i za ono što i nije bilo
potrebno popravljati - MI naplaćujemo za
istinski rad na vašem autu - provjerite nas!!!

Locirani smo na raskršću
Morganford - Loughborough

AMERICAN FAMILY INSURANCE *
www.amfam.com

IBRO TUCAKOVIC
IBRO T. AGENCY

9700 MACKENZIE ROAD, SUITE 110
ST. LOUIS, MISSOURI 63123-5423

Office: 314-544-0000
Fax: 314-544-0006
Mobile: 314-398-6562
E-Mail: itucakov@amfam.com

REGISTERED REPRESENTATIVE
AMERICAN FAMILY SECURITIES, LLC

Website: www.ibrotucakovic.com
24-Hour Claims Reporting: 800-374-1111

*Securities Offered Through American Family Securities, LLC



TRGOVINA BEHAR

4704 Gravois Ave
St. Louis, MO 63116

Phone: 314.752.4201
Fax: 314.752.9273

Teufik Kovacevic
Owner

EUROPA MARKET
FINE FOOD FROM CENTRAL AND
MEDITERRANEAN EUROPE
St. Louis

SOUTH CITY

5005 GRAVOIS
ST. LOUIS, MO, 63116
TEL: 314. 481 - 9880
FAX: 314. 481 - 3885

RETAIL AND WHOLESALE

SANA INC.
International Grocery, Deli & Bakery

Haris Delic ~ Owner

4414 Morganford Road
Saint Louis, MO. 63116
314.481.5356

Šejla Šehabović

POLIFONIJA NEOPHODNOSTI



Kažu da je jedan od preduslova da književnost cvjeta da pisci i spisateljice nisu srećni ljudi. Samo iz njihove nesreće ili, blaže rečeno, nezadovoljstva rasporedom onih bitnih stvari u životu i društvu, dolazi ona žestoka kreativnost koja je neophodna za pisanje dobrih priča, dubokih pjesama ili briljantnih romana. Ne znam je li ova pretpostavka u potpunosti tačna ili je samo dio spisateljske mitologije ali je činjenica da na bosanskom jeziku danas piše mnogo mladih pisaca i spisateljica čija energija i baratanje jezikom i temama zaslužuju daleko veću čitalačku publiku i pozornost kritike. Jedna od njih je tuzlanska spisateljica Šejla Šehabović koja je već postala unikatna u regionu s obzirom da 31-godišnja majstorica riječi redovno dobije neku nagradu za sve što objavi. Tako je ova spisateljica i jedna od urednica sjajne Antologije nove kratke priče Bosne i Hercegovine, Hrvatske, Srbije i Crne Gore Na trećem trgu koja je izašla u izdanju časopisa Treći Trg nedavno dobila godišnju nagradu Društva pisaca tuzlanskog kantona za njenu zbirku priča Priče-ženski rod, množina. Nakon uspjeha prve zbirke poezije Make-up te još veće pažnje koju je izazvala prva zbirka priča Car Trojan ima kozije uši, Šehabovićeva sa svojom trećom knjigom dostiže vrlo uski krug spisatelja i spisateljica iz regije koji su uspjeli zadržati svoj umjetnički i ljudski integritet, koji su ovjencani od strane kritičara koji izbacuju hvalospjeve na pokretnoj traci a koji se također i dosta čitaju od strane onog dijela bosanske populacije koji čita knjige. Time ova spisateljica zauzima jako bitnu poziciju u svim kulturnim ratovima koji se odvijaju na području Bosne i Hercegovine te dijasporskih kulturalnih prostora. Pripadajući kremu mladih spisateljskih snaga koje nekako opstaju uprkos svim problemima sa financiranjem svog spisateljskog rada jer je, kao što znamo, današnja Bosna zemlja gdje pisana riječ nema istu važnost kao u zemljama koje nisu u tranziciji ili koje imaju veći životni standard, Šehabovićeva svojim uspjehom ipak ilustrira jasno da pisana riječ na ovim prostorima plamti nekim svojim plamenom i uporno traži nove izraze i teme koje se tiču svih Bosanaca u najvećoj mogućoj mjeri.

Priče- ženski rod, množina spada u kategoriju knjiga koja čini da ćete, nakon svake pročitane priče, početi nervozno hodati po sobi, otići do balkona i, zavisno od toga da li je vani sunčano ili kišovito, dobiti minijaturni napad sreće ili će se ona vanjska kiša, na neki polumagični način, stopiti sa unutarnjom kišom teških razmišljanja i neugodnih ali neophodnih sjećanja. Slično kao i u njenoj prošloj knjizi priča Šehabovićeva vrlo često, i danasve vrlo uspješno, barata sa dječjim naratorima mada naratori, ili naratorice preciznije, ovdje dobijaju daleko veću kompleksnost nego u prethodnoj knjizi. Razmišljanja su ovdje razvijenija, ironija dobija nove nijanse, autorica se kreće sve slobodnije u svojim specifičnim orbitama. Priče "Ruve-

NEĆU DA BUDEM POETESA

Neću da budem poetesa!
One su čupave i ružne
Piju i
Samuju i
Stare

Neću da budem zajedljiva
pametna
baba
s velikim naočalama
i šeširom
bez ikog svog.

Neću da budem poetesa?
One su nježne i ranjive
Sjede

Na promocijama
Čekaju

Neću da budem primjer
iz ženske književnosti
koji navode
kad im nestane materijala
za antologije.

Neću da budem poetesa!
Kad su mlade i ućevne
One se udaju
Za matore
Kritičare
I ostarjele
Pisce

Koji se poslije razbole
Pa one prestanu pisati
Neću da budem tužna
dobra

supruga spisateljica
o čijem talentu pričaju
na kućnim sijelima
poslije.

Neću da budem poetesa...
Njihova pametna djeca
Stipendisti u inostranstvu
Navode ih kao
Egzotične činjenice
Biografije

Neću da budem mama
koja je pisala knjige
a i bolje bi
ali je rodila
pa eto.

Neću da budem poetesa.
Nikad se neću ubiti
U seksu ne vidim
ništa filozofsko
U alkoholu
ni od čeg ne bježim
Prestajem pušiti
Nisam na udaju
Previše šminke
za jednu muzu

Ja sam ono čega se plašite:
Fertilna
I pišem pjesme.

jda" i "Razgraničavanje" dostižu zapravo visine kakve nijedan pisac niti spisateljica rođeni sedamdesetih godina na Balkanu nisu još dostigli. Ovdje se, kroz dječiju, ali nimalo naivnu prizmu, tretiraju posljedice rata, apsurdni života van domovine, pubertetska prijateljstva za koja mislimo da se nikad neće završiti. Tretira se život koji smo doživjeli i koji

Šejla Šehabović

PRIČE –
ŽENSKI ROD,
MNOŽINA

Pobjednica
konkursa
"Priča godine"
"Nezavisnih
novina"



mnohi potiskuju. Šehabovićeva se stavlja u službu nijansiranog sjećanja, daleko od hysterije nacionalnih pjesnika i sredovječnih pisaca koji znaju sve o crno-bijelom svijetu.

Tematski gledano, spisateljica ovdje istražuje polifoniju ženskih glasova, vječno učtkivanih glasova sasvim običnih žena koje svakako imaju šta reći i čiji je glas davno trebalo slušati. Time autorica nastavlja tradiciju ženske umjetnosti koja na Balkanu nažalost nije nikad bila u fokusu i istovremeno, na vrlo savremen način, podriva patrijarhat i norme koje taj sistem i danas producira u sredinama u kojim vlada. Promjene, vidljive u svakoj od autoricinih priča, su promjene koje sa sobom nose oslobođanje ženskog subjekta od istorijskog bremena zaborava i bezglasnosti, kako Šehabovićeva ironično registruje u liku momka na zabavi kojeg opisuje kao Onaj koji mi oduzima poziciju nadpameti u ovoj priči. I raspipa se tu još postmodernističkih trikova koji bez ikakve sumnje svjedoče o visokoj samosvjesnosti ove proze. Tehnički briljantno. Ali nikada nedostupno. Čitljivo, stimulatívno, inteligentno i danasve potrebno.

A posljednja priča zbirke "Sve će biti gotovo do večere" je zastrašujući manifest ženskog stradanja u kulturi koja nikad nije štitila ženu. Ovo je potpuno neophodna knjiga bosanskim prostorima. U matici i dijaspori. I šire. Ponekad su i književne nagrade vrlo, vrlo opravdane.


Uručena nagrada za najbolju knjigu poezije objavljenu u prošloj godini

ZASJALO SVJETLO LAMPE

Dobitnik nagrade za najbolju objavljenu knjigu poezije u prošloj godini je bosanskohercegovački pisac Mehmed Đedović za knjigu Svjetlo lampe. U pitanju je književna nagrada na kojoj su učestvovali autori poetskih dela, napisanih na bosanskom, srpskom i hrvatskom jeziku.

Pristigle knjige ocjenjivao je stručni žiri koga su sačinjavali: Ljiljana Pešikan Ljuštanović iz Novog Sada, Asmir Kujović iz Sarajeva i Nadija Rebronja iz Novog Pazara.

Nagrada je jedna i nedjeljiva a dodjeljuje se u okviru književne manifestacije Novopazarski dani poezije 2007/2008. godinu.



Gosti ovogodišnje manifestacije bili su: Faruk Šehić Sarajevo; Rasim Čelaahmetović, Priboj; Dejan Aleksić, Kraljevo; Milan Orlić, Pančevo; Asmir Kujović, Sarajevo; Miloš Milišić, Kraljevo; Vladimir Kopicl, Novi Sad; Damir Uzunović, Sarajevo; Živorad Nedjeljković, Kraljevo; Fatima – Pelesić Muminović, Sarajevo; Nadija Rebronja, Novi Pazar; Enes Datdarević, Novi Pazar. Žiri je jednoglasno donio odluku o dodjeli nagrade najboljoj knjizi poezije u prošloj godini, a nagrada je uručena u prostorijama Narodne biblioteke „Dositej Obradović“ u Novom Pazaru. Nagradu čine, plaketa i novčana sredstva.

H. B.

Izgradnja hotela «Ruža» u Mostaru

Piše: Mustafa Kustrić

PRJAVE EKONOMSKE IGRE

Pratim agoniju realizacije mostarskog najvećeg projekta, hotela «Ruža», vrijednog blizu 80 milijuna dolara i njegovog investitora Emira Kečo, koji godinama vodi borbu sa birokratijom koja ometa njegovu izgradnju.

Hotel je projektiran sa 200 soba, površine oko 8000 m², a trebao bi zapošljavati oko 250 ljudi što statistički gledano obezbjeđuje određenu spokojnost za oko 1000 ljudi, pa ovaj projekt znači puno i zaslužuje angažovanje i aktivnost svih pozitivnih snaga da pomognu njegovu realizaciju.

Naime, u prošloj sedmici kako mediji javljaju u Mostaru se održao susret investitora hotela i predstavnika UNESCO-a. Propaganda kako hotel sa svojim arhitektonskim izgledom ugrožava opstanak Mostara na ljestvici UNESCO-a dragulja, je puka laž i neistina što potvrđuje agenda sastanka UNESCO-vih predstavnika na godišnjem okupljanju u kanadskom gradu Quebec City od 2. do 10. jula ove godine. Kako sadržaj simpozija pokazuje, na zasjedanju je utvrđen plan i program rada te ugroženih kulturnih baština u svijetu i zemalja u kojima se nalaze, te je uočljivo da grad Mostar i

BiH nisu na listi. Valja naglasiti da će UNESCO-ovi eksperti raspravljati o 30 spomenika a navedeni su: Afganistan, Azerbejdžan, Centralna Afrička Republika, Kongo, Ekvador, Egipat, Etiopija, Srbija sa Kosovom, Senegal, Tanzanija, Jemen, itd.

Čak i za one sa manjim poznavanjem svih ekonomskih igara, postaje jasno da sve vezano za izgradnju hotela predstavlja smišljenu propaganda neloyalne konkurencije. Nije odviše naglasiti da je hotel projektovan sa najvišim hotelijerskim standardima i da predviđa svoje poslovanje pod okriljem najvećeg svjetskog lanca hotela. Naravno kao takav ima mogućnost da ovlada tržištem ovoga dijela zemlje, a to zasigurno postojećim kapacitetima na području Mostara i Hercegovini ne odgovara. Ako smo se odlučili za tržišnu privredu, onda prihvatimo te zakone i neka idu dalje oni najbolji.

Vraćam se ponovo "a ko će se boriti za taj grad ako ja neću"... U tom pogledu kao novinar i dopisnik iz ovog dijela svijeta Dijaspore bošnjačke, najavio sam svoje prisustvo i akreditaciju na kraju zasjedanja UNESCO-a.

Početak ovog zapisa neka bude, ponavljanje istinitih, dubokih riječi uvaženog urednika Dijaspore Mehmeda Pargana "A ko će se boriti za taj grad ako ja neću?" Naime, ako se ja i svi patrioti BiH u svakom danu, na svakom mjestu, u svakoj situaciji nećemo boriti za ovu zemlju, a ko će drugi?

Obzirom da imam nešto manje od mjesec dana, već sam se dao na proučavanje problematike i pitanja UNESCO-ovim stručnjacima. U kontaktu sam sa organizatorom skupa, a postoji mogućnost susreta s dr. Christinom Camerun koja je Canadskog porijekla i predsjed-

nica ove organizacije.

Neka ovo bude i poruka svim nama bez obzira gdje se budili i gdje provodili noći, da nam je činiti sve i da imamo obavezu da svim svojim mogućnostima i na svim poljima doprinesemo razvoju naše zemlje.

OBAVJEŠTENJE

Poštovani građani Bosne i Hercegovine u Sjedinjenim Američkim Državama,

Želimo Vas podsjetiti da je u toku proces registracije birača za predstojeće Lokalne izbore 2008. godine u Bosni i Hercegovini.

Državljeni Bosne i Hercegovine koji privremeno borave u inostranstvu dužni su se prijaviti za glasanje izvan Bosne i Hercegovine ukoliko žele ostvariti biračko pravo za Lokalne izbore 2008. godine.

Proces registracije birača počeo je 8. maja 2008. godine i trajati će do 22. jula 2008. godine.

Prijava se vrši podnošenjem popunjenog obrasca PRP-1 ili PRP-2 Centralnoj izbornoj komisiji Bosne i Hercegovine i to:

- Građani BiH, koji su bili registrovani za glasanje izvan BiH na prethodnim izborima, moraju potvrditi registraciju putem obrasca PRP-2. Centralna izborna komisija BiH će obrasce PRP-2 dostaviti na adrese građana sa posljednje registracije u inostranstvu. Ukoliko je u međuvremenu došlo do promjene adrese, neophodno je obavijestiti Centralnu izbornu komisiju u najkraćem roku.

Registracija se vrši popunjavanjem obrasca PRP-2 uz koji se prilaže kopija važećeg dokaza o identitetu (lična karta BiH, izdata u okviru CIPS-a, ili pasoš BiH ili vozačka dozvola BiH) i dostavlja se Centralnoj izbornoj komisiji BiH u Sarajevu.

- Građani BiH koji se nisu registrovali za glasanje izvan BiH na prethodnim izborima ili se prvi put registruju, moraju izvršiti registraciju. Registracija se vrši popunjavanjem obrasca PRP-1 uz koji se prilaže kopija važećeg dokaza o identitetu (lična karta BiH, izdata u okviru CIPS-a, ili pasoš BiH ili vozačka dozvola BiH) i dostavlja se Centralnoj izbornoj komisiji BiH u Sarajevu. Obrasci PRP-1 su distribuirani i dostupni su u bh. udruženjima, asocijacijama i zajednicama u Sjedinjenim Američkim Državama, Ambasadi BiH u Washington-u, Generalnom konzulatu BiH u Chicago-u, kao i na web stranici www.izbori.ba.

- Ukoliko se prijavljuje osoba sa statusom izbjeglice, a ne posjeduje jedan od gore navedenih ličnih dokumenata, ta osoba identitet može dokazati i kopijom jednog od sljedećih dokumenata: važećom ličnom ispravom koju je izdala zemlja domaćin ili izbjegličkim kartonom izdatim od strane zemlje domaćina ili druge međunarodne organizacije. Samo u ovom slučaju, uz prijavu se mora priložiti Uvjerenje o državljanstvu BiH, kao dokaz o državljanstvu BiH i Potvrda o prebivalištu u BiH, kao dokaz o prebivalištu.

Za sve dodatne informacije građani Bosne i Hercegovine se mogu obratiti Ambasadi Bosne i Hercegovine u Sjedinjenim Američkim Državama: telefon: 202 337 1500, fax: 202 337 1502, e-mail: info@bhembassy.org ili Centralnoj izbornoj komisiji BiH: telefon 387 33 251 332 ili 387 33 251 333, e-mail: info@izbori.ba.

Učešćem na Lokalnim izborima u Bosni i Hercegovini dajemo nas glas za prosperitetnu budućnost domovine. Naša budućnost je u našim rukama!

TOSKANA TRAVEL & BUSINESS SERVICE LLC

Putujte udobno i jednostavno koristeći našu stranicu:

www.toskanatravel.com



Kod nas još uvijek možete naći avio - karte sa popustom iz svih gradova SAD i KANADE do vaše destinacije širom svijeta uključujući i: SARAJEVO, ZAGREB, PODGORICA, BEOGRAD, SKOPJE, PRIŠTINA...

2393 HUGHES AVE
Bronx, NY 10458

Tel: (347) 269-7030

Fax: (347) 269-7031

E-mail: info@toskana.com

Objavljena knjiga pripovjetki "Daleko je sine Srebrenica"
autora Mirsada Mustafića

SREBRENIČKA TRILOGIJA ILI POETICA SREBRENIANA



Trećom zbirkom, pod naslovom „Daleko je, sine, Srebrenica“, profesor književnosti, književnik i publicista, Mirsad Mustafić, ustoličava se kao prvorazredni pjesnik srebreničke duše. Možda će nekada neko napisati i obimnije i literarnije knjige o Srebrenici, ali, Mirsad Mustafić će ostati kao prvi pisac koji je, kroz svoje tri prozne knjige, opjevao Srebrenicu iznutra, i literarnim šavovima u estetsku cjelinu povezao njene pukotine, od prije do poslije. Posve proračunato velimo „opjevao“, jer su njegovi prozni tekstovi i po unutarnjim osobinama, a naročito po jezičkoj složenosti, svojevrsna opjevanja i ožaljenja jednog pitomog svijeta koji je zdrobljen i izremećen čeljustima zla i hipokrizije.

Uz prethodne knjige „Krvava šamija“ i „Rastanak u Potočarima“, zbirka pripovjedaka „Daleko je, sine, Srebrenica“ uokviruje svojevrsnu – srebreničku trilogiju – jer sve tri knjige proizilaze iz jedinstvene nakane da se opće mjesto genocida u Srebrenici ogleda u reminiscencijama na plodan i blagorodan život u Srebrenici prije genocidne agresije, ali i da se te dvije slike – života i genocida - ogledaju u onome što Srebrenica jeste danas: pustahija satkana od sjeće, bola i pamćenja.

Možda Mustafićeva sjećanja na Srebrenicu ne bi bila tako literarno upečatljiva da ne izviru iz njegove životne i intelektualne zrelosti, pri kojoj se svakako mnoge drage pojave, pa makar ne bile i na dohvat ruke, pretvaraju u sjećanja, u odlaske i rastanke. Otud, kad Mustafić pjeva o Srebrenici koje više nema, on ujedno obuhvata i činjenicu da je njegova Srebrenica poharana u genocidnom pohodu, ali, i da su životi njegove generacije odveć zagazili u doba iz kojeg se život ne živi, već se život gleda i sagledava.

Mustafićevom trilogijom o Srebrenici bh. književnost dobija jedno posve novo čitanje, ne samo Srebrenice, već općenito bosanske čaršije koja je poharana genocidom. Trauma genocida i progona, iz Trebinja, Foče, Prijedora, Stoca ili Čapljine, otvorila je iskustveno žarište koje vapi za literarnim uokvirenjem. Mirisni mir avlija i ružičnjaka, o kojima piše Mustafić, koji se potput života činio trajnim i stamenim, raspršen je u trenu, i preseljen

u sjećanje, kao jedini mogući prostor egzistencije. Otud se u Mustafićevoj slici predratne Srebrenice mogu ogledati sve naše poharane čaršije, kroz čije sokake danas protiču sjećanja na vrijeme koje je, ipak, skrivalo varku o sebi, njima i o nama.

U ovom poetičkom okviru, sa većim ili manjim otklonima, kreću se Mustafićeve priče iz ove treće njegove prozne knjige o Srebrenici. Naslovna priča ukazuje da autor nema namjeru da koketira sa slikom Srebrenice kakvu obično dobijamo putem medija, a što se odveć pretvorilo u demagošku frazu. Za Mustafića Srebrenica je i svaka posljedica koja je proistekla iz genocida i progona, iz pritisaka koje mnoge porodice, i mnogi pojedinci, jednostavno, nisu mogli izdržati. „Ja sam sad sretna s drugim. Nijemac je.“ – veli Bošnjakinja koja nikad ne bi bila ni Njemica, ni Nijemčeva, da nije bilo uvezenog zla. Mustafić nam tako i kroz neke druge priče u ovoj knjizi nastoji objektivno razumijevanja genocida u Srebrenici otrgnuti od fokusiranja glavne žrtve, i proširiti ga na sve one koji su ranjenim i traumatiziranim životom takođe ubijeni - za sebe prošle i za sebe buduće.

Drugi korpus priča u ovoj knjizi čine priče o srebreničkoj čaršiji, o njenoj svakodnevnicu, o likovima, titrajima i detaljima koji su je činili. Ne pamtimo da je i jedan naš pisac napisao tako profinjenu priču o fudbalskom životu čaršije, o, kako Mustafić reče, „Guberovim“ asovima i fudbalskoj bajci iz Srebrenice. I po tome, ali i po nekim drugim osobinama, slobodni smo ustvrditi da je Mirsad Mustafić za Srebrenicu, ono što je bio Miljenko Smoje za Split. Mirsad Mustafić je čitač, tumač, hroničar, sricatelj i naricatelj srebreničke čaršije i njezine duše. Samo lokalni pisac koji svoj grad osjeti kao svoju kuću, može tako suptilno, familijarno, kao da se radi o svojim roditeljima ili o svojoj djeci, ispisivati profinjene poetske sintagme, kakva je ona o „gradu srebrenih zima“. Mustafićevi osjećaji prema Srebrenici imaju dubinu sopstvene sudbine. Ova knjiga uokviruje prepoznatljivu i samosvojnu pojavu u bh. književnosti koju bismo mogli osloviti kao „poetica srebreniana“ Mirsada Mustafića.

(Iz kritike Fatmira Alispahića)

6. Festival kratkog filma
u Mostaru

U KONKURENCIJI 27 FILMOVA

Ovogodišnji Festival kratkog filma u Mostaru bit će održan od 17. do 21. juna. Na Festivalu će biti ponuđeno pet dana filmskih projekcija i koncerata, a u natjecateljskom programu na Festivalu predstaviti će se 27 filmova s područja bivše Jugoslavije i zemalja regije.

Šesti Festival kratkog filma će i ove godine dati prostor svojim dugogodišnjim partnerima: Međunarodnom festivalu kratkog filma Clermont Ferrand, koji slavi 30 godina postojanja i Međunarodnom festivalu kratkog filma Oberhausen koji je godinama podržavao mostarski festival time što je osiguravao visoko kvalitetne programe i promovirao mostarski festival kao dio svjetske scene kratkog filma.

Internacionalna likovna kolonija
"Hercegovina 2008. - Počitelj"

DIO SLIKA SA IZLOŽBE U HUMANITARNE SVRHE



Internacionalna likovna kolonija "Hercegovina 2008.-Počitelj", održat će se od 15. do 23. juna. U radu kolonije sudjelovat će umjetnici iz BiH, Turske, Kuvajta, Njemačke, Srbije... Sudionici Kolonije između ostalih su: Affan Ramić, Mustafa Skopljak, Jusa Nikšić, Edo Numankadić, Dževdet Nikočević, Avdo Žiga, Irena Sladoje, Čazim Hadžimjelić, Šemsa Gavrankapetanović, Mirsada Baljić (BiH), Mizyal Karibiber, Šukran Zaim, Mustafa Akbult (Turska), Ibrahim Coskun(Njemačka), Thoraya Al Baksani (Kuvajt), Lena Kalekian i Hagop Sulahian(Libanon), Ibrahim Ghazala, Reada Abdel Rahman, Abdel Wahab, Abdel Mohsin Aly i Saleh Mohamed (Egipat).

Nakon rada u Koloniji bit će otvorena i izložba radova nastalih tokom trajanja Kolonije u okviru koje će biti upriličena večer poezije.

Kako je planirano dio slika sa izložbe bile bi donirane za aukciju od koje bi sredstava išla u humanitarne svrhe.

Kako navodi Mirsada Baljić, inicijator Kolonije "Hercegovina -Počitelj" cilj okupljanja umjetnika iz svijeta u Počitelju između ostalog je i afirmacija prirodnog i kulturnog naslijeđa Bosne i Hercegovine.



UNAHOT

Svadbe
muzicki spotovi

REKLAME

NTVUNA

www.unahot.com
www.ntvuna.tv
ntvuna@ntvuna.tv
unahot@gmail.com
[519] 474-6336

IBRAHIMU SPAHIĆU URUČEN ORDEN VITEZA UMJETNOSTI I KNJIŽEVNOSTI FRANCUSKE



Orden je jedno od najvažnijih počasnih odlikovanja Republike Francuske. Uz ostala tri ministarska ordena, njime francuski ministar kulture i komunikacija nagrađuje istaknut rad na polju kulture i umjetnosti u vlastitoj zemlji, odnosno širenje kulture, stvaralaštva i umjetnosti Francuske.

Ambasadorica Republike Francuske u BiH Maryse Berniau je 5. juna u Sarajevu u francuskoj rezidenciji predsjedniku Međunarodnog centra za mir te Udruženja izdavača i knjižara BiH Ibrahimu Spahiću uručila Orden Viteza umjetnosti i književnosti.

Orden je jedno od najvažnijih počasnih odlikovanja Republike Francuske. Uz ostala tri ministarska ordena, njime francuski ministar kulture i komunikacija nagrađuje istaknut rad na polju kulture i umjetnosti u vlastitoj zemlji, odnosno širenje kulture, stvaralaštva i umjetnosti Francuske.

Pokretanje inicijativa i projekata "100.000 knjiga za deset novih biblioteka u BiH", "Hjuston-Sarajevo", "Dubrovnik '91.", "Alsace-Sarajevo 1993." te "Sarajevo, srce Evrope", samo su neki



od njegovih angažmana.

-Duboko u sebi vi ste čovjek mira, kao što to pokazuju Susreti mira koje organizujete u Londonu, Parizu, Rimu, Barceloni i Sarajevu, a posebno nagrada "Sloboda" koju svake godine dodjeljuje Međunarodni centar za mir, kazala je ambasadorica.

Ibrahim Spahić je ocijenio da je ovo prestižno priznanje omaž građankama i građanima BiH i Francuske koji su svoje tradicionalno prijateljstvo i solidarnost potvrdili kroz stvaralački rad, a posebno onima koji su život dali za BiH i slobodnu Evropu. Naglasio je kako je potrebno učiniti sve da potpisivanjem Sporazuma o stabilizaciji i pridruživanju BiH Evropskoj uniji razvijemo potencijale kako bismo otvorili sve mogućnosti za razvoj evropske BiH.

Slikar Safet Zec te direktor Sarajevo film festivala Mirsad Purivatra, samo su neki od dobitnika francuskog Ordena Viteza umjetnosti i književnosti iz BiH.

Na području FBiH

PRVI NACIONALNI PARK



Dom naroda Parlamenta F BiH usvojio je Prijedlog zakona o Nacionalnom parku "Una", čime je proglašen prvi nacionalni park na području Federacije BiH uspostavljen u skladu sa suvremenim standardima Međunarodne unije za zaštitu prirode. Uspostavom Nacionalnog parka "Una" BiH poboljšava svoj međunarodni ugled, što je posebno važno u kontekstu procesa stabilizacije i pridruživanja Evropskoj Uniji.

Također su u tijeku i finalne aktivnosti na donošenju

Strategije BiH za zaštitu biološke i pejzažne raznolikosti s akcijskim planom (2008-2015.), te Strategije zaštite okoliša za FBiH koja je u fazi usuglašavanja.

Također, među bitne aktivnosti u oblasti zaštite okoliša spada i izrada Lokalnih okolišnih akcijskih planova "LEAP" koji predstavljaju dokaz da je svijest građana BiH o značaju zaštite, očuvanja i unapređenja okoliša na principima održivog razvoja svakim danom na sve većoj razini.

Komisija za očuvanje nacionalnih spomenika BiH

TRINAEST DOBARA PROGLAŠENO NACIONALNIM SPOMENICIMA BiH

Na posljednjoj sjednici, Komisija za očuvanje nacionalnih spomenika BiH, donijela je odluku o proglašenju trinaest dobara nacionalnim spomenicima BiH. To su Povijesno područje - Nekropola sa stećcima Mramorje, Gornji Studenci, općina Ljubuški (FBiH), povijesno područje - Nekropola sa stećcima Poljice, lokalitet Veliko Jezero, općina Konjic (FBiH), povijesno područje - Nekropola sa stećcima na lokalitetu "Mramorje" u selu Moguš, općina Olovo (FBiH), povijesno područje - Nekropola sa stećcima na lokalitetu Navitak u selu Boganovići, općina Olovo (FBiH), povijesno područje - Nekropola sa stećcima u Donjim Ivančićima, općina Ilijaš, (FBiH) te historijski spomenik - "Zlatna glavica" Mramorje - grupa od 41 stećka u naselju Strgačina, općina Rudo (RS).

Na Listu su uvršteni i povijesna građevina - zgrada Penzionog fonda (zgrada na uglu ulica Maršala Tita i Hamze Hume) u Sarajevu, općina Centar (FBiH), povijesna građevina - zgrada Predsjedništva BiH (zgrada Zemaljske vlade) s pokretnim naslijeđem u Sarajevu, općina Centar (FBiH), graditeljska cjelina - Crkva sv. Klimenta sa starim kamenim nadgrobnicima (krstačama) u selu Dražin Do, općina Trebinje (RS), graditeljska cjelina - Crkva sv. Nikole sa starim kamenim nadgrobnicima



(krstačama) u selu Domaševo, općina Trebinje (RS).

Tu su i graditeljska cjelina - Srpska pravoslavna crkva sv. Vasilija Ostroškog u Blagaju zajedno s pokretnim naslijeđem, Grad Mostar (FBiH), graditeljska stambena cjelina - Begovina u Stocu, općina Stolac (FBiH) te graditeljska cjelina - Crkva sv. Trojstva u Blagaju, Grad Mostar (FBiH).

Utakmice na evropskom nogometnom prvenstvu u Austriji i Švicarskoj

RASPORED UTAKMICA NA EURU

Evropsko nogometno prvenstvo 2008. godine, održat će se u Austriji i Švicarskoj od 7. do 29. juna 2008. Nastupit će 16 nogometnih reprezentacija u 8 gradova domaćina.

A grupa:

Subota 7. juna:

Basel: Švicarska - Češka (18.00)
Ženeva: Portugal - Turska (20.45)

Srijeda 11. juna:

Ženeva: Češka - Portugal (18.00)
Basel: Švicarska - Turska (20.45)

Nedjelja 15. juna:

Basel: Švicarska - Portugal (20.45)
Ženeva: Turska - Češka (20.45)

B grupa:

Nedjelja 8. juna:

Beč: Austrija - Hrvatska (18.00)
Klagenfurt: Njemačka - Poljska (20.45)

Utorak 12. juna:

Klagenfurt: Hrvatska - Njemačka (18.00)
Beč: Austrija - Poljska (20.45)

Ponedjeljak 16. juna:

Klagenfurt: Poljska - Hrvatska (20.45)
Beč: Austrija - Njemačka (20.45)

C grupa:

Ponedjeljak 9. juna:

Zurich: Rumunija - Francuska (18.00)
Bern: Holandija - Italija (20.45)

Petak 13. juna:

Zurich: Italija - Rumunija (18.00)
Bern: Holandija - Francuska (20.45)

Utorak 17. juna:

Bern: Holandija - Rumunija (20.45)
Zurich: Francuska - Italija (20.45)

D grupa:

Utorak 10. juna:

Innsbruck: Španija - Rusija (18.00)
Salzburg: Grčka - Švedska (20.45)

Subota 14. juna:

Innsbruck: Švedska - Španija (18.00)
Salzburg: Grčka - Rusija (20.45)

Srijeda 18. juna:

Salzburg: Grčka - Španija (20.45)
Innsbruck: Rusija - Švedska (20.45)

ČETVRTFINALE

Četvrtak, 19. juna:

1. Basel: A 1 - B 2 (20.45)

Petak, 20. juna:

2. Beč: B 1 - A 2 (20.45)

Subota, 21. juna:

3. Basel: C 1 - D 2 (20.45)

Nedjelja, 22. juna:

4. Beč: D 1 - C 2 (20.45)

POLUFINALE

Srijeda, 25. juna:

Basel: pobjednik meča 1 - pobjednik meča 2 (20.45)

Četvrtak, 26. juna:

Beč: pobjednik meča 3 - pobjednik meča 4 (20.45)


FINALE

Nedjelja, 29. juna:

Beč: pobjednici polufinalnih mečeva (20.45)

IO Nogometnog saveza BiH

MEHO KODRO SMIJENJEN S DUŽNOSTI SELEKTORA



Izvršni odbor Nogometnog saveza Bosne i Hercegovine (IO NSBiH) 16. maja 2008. godine razriješio je dužnosti selektora A-representacije BiH Mehu Kodru.

Nakadašnji bh. inaternalnacinalac smijenjen je nakon što je poručio čelnicima

saveza da se protivi da vodi našu selekciju u prijateljskom susretu s Iranom, koja se trebala igrati 26. maja u Teheranu. Na mjestu selektora Kodro je izabran 5. januara ove godine. Pod njegovim vodstvom bh. selekcija odigrala je dva prijateljska susreta u kojim je zabilježila poraz od Japana 0:3, te igrala neriješeno s Makedonijom 2:2. Odlukom IO NSBiH susret s Iranom je otkazan, a našu reprezentaciju u drugom prijateljskom susretu protiv Azerbejdžana, koja će se igrati 1. juna u Zenici, kao vršilac dužnosti selektora vodit će Denijal Pirić. Članovi IO NSBiH odlučili su da generalnom sekretaru Munibu Ušanoviću produže mandat do 31. decembra ove godine.

Nogomet

ZRINJSKI POBJEDNIK KUPA BiH

Nogometaši Zrinjskog pobjednici su Kupa Bosne i Hercegovine za sezonu 2007./2008. U uzvratnom susretu finala Kupa BiH Zrinjski je u Mostaru nakon izvođenja jedanaesteraca savladao Slobodu sa 4:1.

Regularni dio utakmice završen je pobjedom Zrinjskog 2:1. Golove za Zrinjski postigli su Džidić (4.) i Landeka (67.), dok je jedini pogodak za Slo-

vodu postigao Tosunović (48.).

Kako je i prvi meč u Tuzli okončan istim rezultatom pobjednika Kupa odlučili su jedanaesterce. Golove sa 11 metara za Zrinjski postigli su Ivanković, Đurić, Žižović i Landeka, dok je kod Slobode jedini precizan bio Osmanhodžić.

Zrinjski će kao pobjednik Kupa BiH u narednoj sezoni nastupiti u kvalifikacijama za Kup UEFA.

Na međunarodnom turniru "Macedonia trophy":

BiH OSVOJILA TREĆE MJESTO

Muška rukometna reprezentacija Bosne i Hercegovine je 30. maja, osvojila treće mjesto na međunarodnom turniru "Macedonia trophy 2008" u Skoplju, nakon što je u susretu za plasman savladala selekciju Brazila sa 38:36 (19:21). Strijelci za naš tim bili su Obradović 10, Dobarac 8,

Hajdarević 6, Toromanović 5, Terzić i Stojanović po 3, Skoko 2 i Mustafić 1 gol, dok je golman Nebojša Grahovac imao 21 uspješnu intervenciju.

Izabranici selektora Halida Demirovića na turniru su još odigrali dva susreta u kojim su savladali Crnu Goru sa 32:29, dok su poraženi od Egipta 34:35.

Radio radiobehar@aol.com

BEHAR

bosnian radio program St. Louis

Slušajte vaš omiljeni program u novom terminu 5.00 - 10.30 PM CT svake nedjelje

istinski
bošnjački radio

BOSNIAN MEDIA GROUP
P.O. Box 2636
St. Louis, MO 63116-2636
phone 314.494.6512
fax 314.416.1388
www.bosnianmediagroup.com

BiH - Azerbejdžan 1:0




Nogometna reprezentacija Bosne i Hercegovine, 1. juna, u Zenici u prijateljskoj utakmici savladala selekciju Azerbejdžana sa 1:0 (0:0).

Jedini pogodak postigao je Stevo Nikolić u 72. minuti.

Susret je odigran na stadionu Bilino polje. Reprezentaciju BiH s klube je vodio Denijal Pirić, a nastupili su uglavnom igrači iz Premijer lige koji do sada nisu imali priliku da obuku dres sa državnim grbom.

Kvalifikacije za EP(Ž)

BIH - PORTUGAL 3:0



Ženska odbojkaška reprezentacija Bosne i Hercegovine pobijedila je, 6. juna, selekciju Portugala sa 3:0 u prvoj utakmici drugog kvalifikacionog turnira za nastup na evropskom prvenstvu 2009. godine.

Nakon prvog turnira, koji se prije sedam dana igrao u Ukrajini, u vodstvu se nalazi reprezentacija Ukrajine sa 6 bodova, ispred Slovačka sa 5, BiH sa 3 i Portugala bez bodova.

U drugom susretu 1. kola u toku je derbi između Ukrajine i Slovačke.

Košarka:

Bosna i Igokea u finalu Centrotrans lige za prvaka

Košarkaši Bosna ASA BHT i Igokea Partizana izborili su finale ovogodišnjeg prvenstva BiH u košarci. Bosna ASA BHT je bila bolja i u drugom susretu od Slobode Dita, ovoga puta u Tuzli sa 77:72, dok je Igokea Partizan savladala po drugi put aktuelnog prvaka BiH Široki Prima pivo sa 86:77.

U finalnoj seriji koja se također igra na dvije pobjede prednost domaćeg terena ima Bosna ASA BHT.

Rezultati polufinalnih susreta:

- prve utakmice:

Sarajevo: Bosna ASA BH Telecom - Sloboda Dita 82:65

Aleksandrovac: Igokea Partizan - Široki Prima pivo 81:65

- uzvratne utakmice:

Tuzla: Sloboda Dita - Bosna ASA BH Telecom 72:77

Široki Brijeg: Široki Prima pivo - Igokea Partizan 77:86

Prvenstvo BiH u disciplinama low kick i lihgt contact

IGOR EMKIĆ PROGLAŠEN ZA NAJBOLJEG SENIORA



U subotu 31. maja, u Konjicu je održano Prvenstvo BiH za kadete, juniore i seniore u disciplinama low kick i lihgt contact. U konkurenciji preko 300 takmičara i takmičarki predstavnici Kluba borilačkih vještina "Flek Tom-Cat" osvojili su tri zlatne, dvije srebrene i pet bronzanih medalja. Za najboljeg seniora prvenstva proglašen je Igor Emkić koji je od početka ove godine sve mečeve pobijedio knock out-om (12-0).

Light contact

1. mjesto - Amra Zahirović - 60 kg kadetkinja
3. mjesto - Selma Isanović - 56 kg juniorka
3. mjesto - Nedžad Hodžić +69 kg kadet

Low kick

Seniori:

1. mjesto - Igor Emkić - 81 kg senior
2. mjesto - Semir Mujkanović - 71 kg senior
3. mjesto - Jasmin Paočić - 63, 5 kg senior

Juniori:

1. mjesto - Samir Šećkanović - 75 kg junior
2. mjesto - Ibro Milkunić - 63, 5 kg junior
3. mjesto - Jasmin Memić - 67 kg junior
3. mjesto - Mirnes Osmanović - 57 kg junior

Odigran humanitarni meč:

"Spasimo bh. nogomet"

U Sarajevu je, 1. juna, na Olimpijskom stadionu Asim Ferhatović Hase odigran humanitarni meč "Spasimo bh. nogomet - Kodro, Bola i prijatelji" u kojem su igrale najveće zvijezde bh. nogometa. Manifestacija pod sloganom "Spasimo bh. nogomet" održana je na inicijativu sportskih novinara sarajevskih medija, a u organizaciji Federalne televizije, u znak protesta zbog smjene Mehe Kodre s mjesta selektora reprezentacije BiH i aktuelnih događanja u Nogometnom savezu BiH. Manifestacija je imala i humanitarni karakter, jer je prihod od ulaznica planiran za liječenje dječaka Harisa Sadića i Ilije Spasovskog.

Oko 15.000 gledalaca na Koševu je moglo uživati u majstorijama bivših i sadašnjih asova bh. nogometa, Kodre, Bolića, Barbareza, Bešlije, Karabega, Muratovića, Mujčina, Kapetanovića, Musića, Pašića, Hote, Šabića i drugih. Igrači su bili podijeljeni u dvije ekipe - Kodro i prijatelji i Bolić i prijatelji, a na



kraju je slavila Kodrina ekipa sa 11:9. Susret na Koševu upravo je odgovor na posljednje odluke vodstva nogometne krovne kuće BiH.



Zdravlje

SEZONA BOBIČASTOG VOĆA

Kako je neobično zdravo i ukusno, bobičasto voće treba iskoristiti te svakodnevno uživati u njegovim okusima. Redom sve bobice sadrže mnogo vitamina i minerala, balastnih tvari, folne kiseline te posebno učinkovite biljne pigmente. Stoga bobice između ostalog jačaju imunitet, štite od infekcija i upala, djeluju antikancerogeno i općenito usporavaju procese starenja. K tome, potiču funkcioniranje mozga posebno u starosti, snižavaju rizik od sljepoće te pogoduju zdravlju mokraćnih organa i zdravlju srca. Nadalje, bobice snižavaju kolesterol u krvi i reguliraju krvni tlak te potiču izlučivanje suvišne tekućine iz organizma.

Brusnice su prave male bombe vitamina C i gorkih tvari pa ne samo da pomažu kod problema s mokraćnim mjehurom i dezinficiraju mokraćne putove, nego ublažavaju i želučane tegobe. K tome, brusnice potiču apetit, smiruju živce i prema najnovijim istraživanjima djeluju protiv herpesa.

Borovnice su prepune ljekovitih i hranjivih sastojaka, posebno voćnim kiselinama, mineralima te elementima u tragovima, primjerice manganom. Osim što su neobično ukusne, bilo svježije, bilo u različitim voćnim tortama i kolačima, odnosno pretočene u marmelade, pekmeze, džemove, sokove, sirupe ili vino, one primjerice i izvana pogoduju ljepoti i zdravlju naše kože. Naime, zahvaljujući velikom udjelu voćnih kiselina i vitamina C, maska za lice od boro-

Bobice sadrže mnogo vitamina i minerala, folne kiseline te posebno učinkovite biljne pigmente.

vnica djeluje protiv nečiste kože i proširenih pora. Za masku, šaku zgnječenih borovnica umiješajte u mlijeko za čišćenje i nanesite na lice.

Kupine su bogate mineralima te posebno vitaminima A, C i E te između ostalog snižavaju šećer u krvi, potiču zaustavljanje krvarenja i djeluju protiv probavnih poteškoća. Sok od kupina učinkovito je sredstvo protiv promuklosti te ga u tom slučaju treba nekoliko puta dnevno grgljati. Kupine su djelotvorne i u kozmetičke svrhe pa su primjerice učinkovite protiv suhe i hrapave kože ruku. Za peeling u šaku ili dvije zgnječenih kupina umiješajte žlicu ulja za masažu ili mlijeka za čišćenje kože te njime trljajte ruke. Ako osim u svježim, uživajte u slatkim od kupina i spremate ga sami prilikom kuhanja, dodajte nekoliko nedozrelih bobica koje će pojačati njegovu aromu.

Ribizli posebno bogati željezom i vitaminima između ostalog čiste krv, pogoduju zdravlju jetre, poboljšavaju opskrbu mišića kisikom te pozitivno utječu na želudac i crijeva. Neobično prijaju u voćnim kolačima i tortama te slatkim.

BUBREZI - kako da bolje rade

Svjetska udruženja nefrologa, promoviraju najnovije internacionalne smjernice o liječenju bubrežne anemije

Mnogi su naučili da je važno kontrolirati krvni pritisak, šećer i masnoće u krvi, a nitko ne spominje kreatinin i albumine u mokraći.

Bubreg, organ u paru, često se, i to s pravom, naziva prozorom kroz koji se vide srce i čitav vaskularni sustav. Preko njega se mogu otkriti mnoga oboljenja u njihovoj ranoj fazi. Ali, kroz taj prozor brojni ljudi, pa i liječnici ne gledaju valjano, ili ne gledaju na vrijeme.

Osnovni uzroci bubrežne anemije su: skraćeni vijek crvenih krvnih zrnaca (eritrocita) i poremećen proces stvaranja eritrocita u koštanoj srži što je najčešće posljedica nedovoljnog stvaranja

eritropoetina, hormona odgovornog za normalno sazrijevanje crvenih krvnih zrnaca. Podaci govore da 10 posto stanovništva na svijetu, ili 600 milijuna ljudi ima neki stupanj bubrežne slabosti, da se broj oboljelih enormno povećava. Ni prognoze nisu sjajne – u Americi je sada milijun i po ljudi na dijalizi, a 2010. će ih biti više od dva milijuna.

Testovi

Testovi za otkrivanje bubrežnih bolesti su jednostavni, dostupni i laki za bolesnika – pregled mokraće na prisustvo proteina ili albumina i određivanje kreatinina u krvi, a preko njega saznaje se i funkcija bubrega.

Izvor zaštitnih tvari

SUŠENO VOĆE

Suho voće je vrlo poželjno na stolovima, prvenstveno kao izdašan izvor kalorija, a isto tako i raznih zaštitnih tvari.

U svakodnevnoj prehrani, vrlo često zaboravljamo na sušeno voće čija sezona upravo počinje. Obilje plodova se pored raznih metoda konzerviranja pretvara u trajniji oblik na taj način da se suši, dakle uklanja vlaga. To se može postići prirodnim sušenjem (na suncu i bez njega), prisilnim sušenjem u sušarima pod utjecajem toplog zraka i snažnih ventilatora ili prethodnim smržavanjem, a onda naglim isparavanjem (liofilizacijom).

Bez vlage nema mikrobnog i enzimatskog propadanja i osušeni se plodovi, bez obzira radilo se o šljivama, marelicama ili bananama, mogu čuvati i nekoliko godina bez znatnijeg narušavanja kvalitete.

Sušeno voće je sigurna i vrlo zdrava hrana u kojoj su svi hranjivi sastojci višestruko koncentrirani, a energetska vrijednost se povećava čak za 6-10 puta. Da je tome tako, svjedoci su vrhunski sportaši koji zbog golemih energetskih potreba redovno konzumiraju upravo sušeno voće.

Što se događa u plodovima voća procesom sušenja?

Osim što nema vlage za razvoj mikroflora, porastom koncentracije šećera također se javljaju nepovoljni uvjeti za razvoj mikroflora. Tako glukoza s oko 5% poraste na 25,5%, a fruktoza s 3% na 12,5%. Ono o čemu se vrlo često govori kada je u pitanju zimska prehrana je nedovoljan unos vlaknaste strukture. Suho voće, primjerice sirova šljiva, sadrži 1,5 g / 100 g, a kada je osušena, vlaknasta struktura penje se na 7,1 g / 100 g. Tako sirova šljiva sadrži 345 i.j. vitamina A, a osušena duplo tj. 781 i.j. Tipična je situacija kod vitamina K koji je neophodan za zgrušavanje krvi; u sirovom obliku šljiva sadrži 6,4 µg, a u osušenom 60 µg što je deseterostruko povećanje. Količina beta-karotena i kriptoksantina se penje za 3-5 puta, a luteina za 6 puta. Zanimljivo da se količina vitamina C, koji je dosta osjetljiv, kako na povišene temperature tako i na isušivanje, bitnije ne mijenja ili smanjuje. Kod šljiva padne s



9 mg na 0,5 mg, a kod banane ostaje na istoj razini. Slično je i kod marelica.

Zanimljivi su i učinci sušenja na bananu: od početne vlage koja iznosi 75%, osušena banana ima svega 3% vlage, a ako dulje stoji može se 'skameniti' pa kod konzumiranja treba imati dobre zube ili se prethodno mora rehidrirati. Banane su tradicionalno dobar izvor vlaknaste strukture; u svježem stanju ima ih oko 2,5 g / 100 g, a u osušenom obliku 10 g / 100 g. Vitamina A u sirovom obliku sadrži 64 i.j. / 100 g, a u osušenom obliku 248 i.j. / 100 g. Slično povećanje može se zamijetiti i kod ostalih zaštitnih tvari.

Kod marelica do punog izražaja dolazi fenomen koncentracije vitamina; vitamin A u sirovom obliku prisutan je u količini od 1926 i.j. / 100 g ploda, a u osušenom stanju ga ima 12 puta više tj. 12669 i.j. / 100 g. Niacin se povećava s 0,6 mg / 100 mg u sirovom obliku na 3,5 mg / 100 g u osušenom stanju. Sličan proces se događa i s ostalim zaštitnim tvarima.

Kod jabuka i ostalog suhog voća (grožđe) hranjive i zaštitne tvari kreću se u rasponu već navedenih veličina. Sve osim vitamina C se bitno povećavaju i tako postaju dragocjenim izvorom tih tvari.

Zaključno, suho voće je vrlo poželjno na stolovima od sada pa sve do proljeća iduće godine. Prvenstveno kao izdašan izvor kalorija, a isto tako i raznih zaštitnih tvari. Stariji ljudi su bili vrlo mudri kad su rekli da na stolu stalno treba stajati zdjelica sa suhim voćem i orašastim plodovima.

Recepti

RIBA NA ŽARU

Potrebno:

4 ribe srednje veličine
veza peršuna
malo maslinova ulja
začin C ili vegeta
morska so bi bila poželjna ali može i obična
2 limuna
4-8 česna bijelog luka
alu-folija
8 komada mladog luka ili 2 praziluka srednje veličine



Priprema:

Ribu očistiti, natrljati solju, ostaviti par minuta dok se so ne rastopi. Peršun, maslinovo ulje i sitno sjeckani bijeli luk pomiješati i napuniti ribu. Praziluk ili mladi luk složiti na foliju. Ribu punjenu staviti na to i složiti još malo mladoga luka ili praziluka preko i dobro umotati folijom. Paziti da folija ostane cijela jer se riba kuha u svom soku na roštilju. Poslije 15 do 20 minuta pečenja riba je gotova. Servirati sa kuhanim krompirom.

VOĆNI KUP

Sastojci:


400 g jagoda,
200 g kivija,
300 g narandže,
1 svježi ananas
Za šećerni preliv: 300 ml vode, 60 g šećera, 2 vanilin šećera, 10 g svježeg đumbira, 3 kašike soka od limuna,




Priprema:

U provrelu vodu sipati prvo šećer, vanilin šećer i očišćen đumbir isječen na listiće. Zajedno sve kuhati oko 5 minuta, izvaditi listiće đumbira, dodati limunov sok i ohladiti. Oprane jagode isjeći na četvrtine, a očišćeni kivi, narandže i ananas na kockice. Sve zajedno izmiješati i rasporediti u posudice za posluživanje. Voće preliti sa oko 5 kašika hladnog sirupa i staviti u frižider da se hladi. U zavisnosti od godišnjeg doba po želji se mogu kombinovati različite vrste voća.

MODNI TRENDOVI ZA SEZONU PROLJEĆE/LJETO



Nova modna sezona za proljeće/ljeto donosi nešto poznato, nešto pomalo zaboravljeno i nešto obnovljeno. Kako se iz sezone u sezonu moda uspješno reciklira, tako ćemo i u nadolazećim toplim danima uz pokoju svježu nadopunu moći nositi odjeću iz nekih prošlih sezona i pri tome biti u trendu.



Iako je cvijeće redoviti motiv na ljetnim haljinicama, ove sezone ono nije nužno nježno i diskretno. Predimenzionirani cvjetovi neuobičajenih oblika biti će privlačni i onima koji ne vole tradicionalne nježne cvjetice. Iskričavih boja, cvjetni buketi unijeti će veselje u modnu svakodnevicu.



**HOME DECOR
AND MORE**
4239 Reavis Barracks Rd
St. Louis, MO 63125
Phone: 314.631.2905
Fax: 314.752.9273
Sabiha Kovacevic
Owner

ASW Bakery
5617 Gravois • St. Louis, MO 63116 • 314.832-2212
Every Day Fresh Bosnian
Bread • Cakes • Meat Pies • Cheese Pies, etc.
Closed Tuesday
Hours: Wed - Mon
8 a.m. - 9 p.m.
Owners:
Asim & Sebiha Veljagic
Cell Ph# (314) 517-3934



BUJNA KOSA U 2008.

Imate li valovitu kosu, kovrče dodatno naglasite velikim uvijačima, a spas za tanku kosu je postepeno šišanje. Uvijači i lakovi za kosu vraćaju se na velika vrata u novoj 2008. jer kosa treba biti puna volumena i što bujnija, nagovještaju modni stilisti. Frizura ne smije izgledati kao nepomična instalacija na glavi, poput onih iz 60-ih i 80-ih godina, napominju stilisti, nego mora biti podatna, sjajna i lepršava. Kako biste to postigli, sušite je prema gore i kada je napola suha, oblikujte je okruglom četkom.

PRAŠINA

Nakon mise pita mali Ivica mamu:

- Mama, je li to istina da se ljudi nakon smrti pretvore u prašinu?
- Da, istina je.
- Onda je netko umro ispod mog kreveta - kaže Ivica.



KARTE

Čovjek uđe u autobus i pita konduktera dvije karte.

- Ali što će vam dvije karte kada ste sami?
 - Nikada se ne zna, ako izgubim jednu i dođe kontrolor, imam i drugu.
- Kondukter, sa smješkom:
 - A što ako izgubite i drugu?
 - Nema problema, imam i pokaznu kartu.



KO JE JAČI

Jedan tip, visok 185 cm, 95 kg, uđe u bar:

- Ima li u ovom baru neko jači od mene?
- Digne se jedan, 210 cm, 120 kg:
 - Ja sam jači od tebe!
 Prvi, ponizno:
 - Da li bi bili tako ljubazni da mi pogurate mog fiću?

POVRATNA KARTA

Dolazi Cigo na šalter autobusne stanice i kaže:

- "Dajte mi jednu povratnu kartu."
- "Dokle?", pita ga radnica.
- "Pa dovde", odgovori on.



JELA

Dolazi gradonačelnica u obilazak romskog naselja i prilazi jednom ciganinu i govori:

- Dobar dan ja sam Jela!
- A Cigo će:
 -A ja crk'o od gladi!



ARIEL

Zašto plavuša pere veš na dnu mora?
 Zato što Ariel pere dubinski.

PJESMICA

Išli Mujo i Haso krasti kukuruz i Mujo kaže: "Ti stražari, a ja ću krasti kukuruz!!!" Dolazi policajac i upita Hasu- "Što ti tu radiš?" Smišljam pjesmice i stihove. Policajac: "Ajda čujem jednu!" Haso: "Žuti kukuruz, zelena trava, sagni se, Mujo, viri ti glava!!!"



OVAN
OD 21.03 DO 20.04

LJUBAV: Puno lijepih i nezaboravnih momenata očekuje Vas sa voljenom osobom.
 POSAO: Ne isključuje se poslovno putovanje kao i više kontakata sa inostranstvom u ovom mjesecu.
 ZDRAVLJE: Hranu koja nije zdrava zamijenite žitaricama.



BIK
OD 21.04 DO 20.05

LJUBAV: Kad je riječ o ljubavi ponašate se dosta nezainteresovano, ne spavajte proljeće je već uveliko nastupilo.
 POSAO: Vaše kolege pokušavaju na razne načine da Vas isprovociraju, nemojte im to dozvoliti.
 ZDRAVLJE: Zbog nedostatka vitamina moguća je nesvjestica i malaksalost.



BLIZANCI
OD 21.05 DO 21.06

LJUBAV: Iznenadite voljenu osobu sa jednim kraćim putovanjem za vikend.
 POSAO: Pred Vama su nove obaveze i odgovornosti koje će zahtijevati više truda i strpljenja.
 ZDRAVLJE: Potreban Vam je odmor i opuštanje, jer su Vam živci napeti.



RAK
OD 22.06 DO 22.07

LJUBAV: Uživat ćete u čarima ljubavi, a ne isključuje se ni iznenadni dolazak prinove.
 POSAO: Kad je posao u pitanju bit ćete pomalo neodučni, ali u važnim i kriznim situacijama odlučni i čvrsti.
 ZDRAVLJE: Neće vam prijati nagle promjene temperature zraka.



LAV
OD 23.07 DO 23.08

LJUBAV: Problemi u vezi se naglo počinju nagomilavati. Potrebno je da poduzmete nešto konkretno kako bi ste vezu spasili.
 POSAO: Na poslovnom planu sve vodi ka progresu i novčanom dobitku.
 ZDRAVLJE: Više pažnje posvetite svojoj higijeni.



DJEVICA
OD 24.08 DO 22.09

LJUBAV: Voljena osoba obadovat će Vas jednim lijepim i romantičnim gestom. Pokažite joj koliko Vam to znači.
 POSAO: Neke poslovne ambicije neće Vam se ostvariti, što će uticati na Vaše raspoloženje.
 ZDRAVLJE: Urinarni problemi.



VAGA
OD 23.09 DO 22.10

LJUBAV: Kad je ljubav u pitanju budite spremni na neke neplanirane događaje.
 POSAO: Nalazite se trenutno u novčanoj krizi, pa ste u potrazi za bolje plaćenim poslom.
 ZDRAVLJE: Previše obaveza ste uzeli na sebe, što bi se moglo odraziti na Vaše zdravlje.



ŠKORPIJA
OD 23.10 DO 22.11

LJUBAV: Jedan loš i nepromišljen gest bi mogao strašno naljutiti voljenu osobu.
 POSAO: Borite se sa konkurencijom koja je dosta jaka. Ako budete uporni i vrijedni izaći ćete kao pobjednik.
 ZDRAVLJE: Izbjegavajte gazirane napitke.



STRIJELAC
OD 23.11 DO 21.12

LJUBAV: Na planu ljubavi sve se odvija ustaljenim ritmom i Vi ste zadovoljni.
 POSAO: Još jedno vrijeme bit ćete zainteresirani za posao. Međutim, kako dani budu odmicali Vaš interes će se smanjivati.
 ZDRAVLJE: Problemi sa grlom.



STRIJELAC
OD 23.11 DO 21.12

LJUBAV: Na planu ljubavi sve se odvija ustaljenim ritmom i Vi ste zadovoljni.
 POSAO: Još jedno vrijeme bit ćete zainteresirani za posao. Međutim, kako dani budu odmicali Vaš interes će se smanjivati.
 ZDRAVLJE: Problemi sa grlom.



VODOLIJA
OD 21.01 DO 19.02

LJUBAV: Kako biste što više postigli u ljubavnom životu, iskoristite i svoj šarm.
 POSAO: U situaciji ste da povećate svoju zaradu, što nećete propustiti, iako ćete zbog toga postaviti neke druge stvari.
 ZDRAVLJE: Izbjegavajte kvarcanje i sva vještačka sredstva za tamnjenje kože.



RIBE
OD 20.02 DO 20.03

LJUBAV: U poslovnoj sredini nudi Vam se nova ljubavna prilika.
 POSAO: Imate dovoljno volje i snage da se poslu posvetite u potpunosti.
 ZDRAVLJE: Više vremena provodite u prirodi, po mogućnosti u planinskim predjelima.

SPECIAL:
SARAJEVSKI
ĆEVAP

CAFE
SARAJEVO
MEDITERRANEAN CUISINE

3553 Ritz Ctr
 St. Louis
 314-892-4000

OTVORENI MON - SAT OD 9.30AM - 7.00PM

VIG
MJESECA

Pred kraj nedjeljne mise, propovjednik upita:
 - "Koliko vas je oprostilo svojim neprijateljima?"
 80% ih podigne ruku. Propovjednik ponovi pitanje. Ovoga puta svi odgovore, osim omalene starije žene. - "Gđo. Neely? Zar vi ne namjeravate oprostiti svojim neprijateljima?" - "Ja nemam neprijatelja", odgovori kroz osmijeh.
 - "Gđo. Neely, to je vrlo neobično. Koliko imate godina?" - "Devedesetosam." reče ona.
 - "Oh, gđo. Neely, biste li, molim Vas, došli ispred svih i rekli kako osoba može živjeti devedesetosam godina i nemati niti jednoga neprijatelja?"
 Mala, draga starica dotetura do govornice okrene se okupljenima i kaže:
 - "Nadživjela sam ih sve!"

24 SATA SA VAMA RTV BOSTEL CHICAGO - USA



INFORMATIVNI PROGRAM, MUZIKA, FILMOVI, SERIJE, SMS PORUKE,
POKIDANE VEZE, HUMANITARNE AKCIJE, REKLAMNI PROGRAM,
REPORTAŽE IZ ZAJEDNICA SJEVERNE AMERIKE, OGLASI...

NAZOVITE JOŠ DANAS I DOBIJTE KOMPLETNU SATELITSKU OPREMU
KAKO BI GLEDALI TELEVIZIJSKI PROGRAM KOJI VAM DONOSI MIRIS
BOSNE U VAŠU KUĆU 24/7!

(773) 616 - 7547
satelit@rtvbostel.com

MI SPAJAMO SA DOMOVINOM